


恩縣志序



自古列國有史以紀時事故成周小史掌邦國
之志蓋以周知四方山川風土物產貢賦之微
惡國之志卽國之史迺厥有匪輕今郡邑志亦
卽古列國之史而可以易易乎豈是故也
靡紀紀弗倫靡章章弗詳靡備備不備靡可傳
矣志以彰往昭來靡可傳而何以志爲通嘉靖
丙申冬河中歷田張公以備戎駐節臨清閱恩



舊錄志慨然病其弗軌載命吾邑侯洛陽杜公
重釐之公以要務無暇刻迺進余告之故欲成
厥邑志以傳余以志務孔務乏史長辭不獲遂
遠稽群書及

大明一統志近參山東通志及東昌府志且訪諸故
老考訂校讎去取損益因物比醜列卷九析目
五十一丁酉春正月肇事至夏五月終迺克編
集平帙分為上下二冊卷首有說疆域志詳沿

革辨分野註物產都鄙志益津梁貢賦志益徭
役政教志益武備益坊牌古蹟志益封建益陵
墓益臺宇考堤堰考景致人物志人物愈參官
守志宦蹟愈師職官有考官名愈備文章志文
類詩類愈那災祥志有述皆秉公不阿祛謬補
缺因畧以致詳矣成而參之邑侯杜公公曰嘻
庶幾其可傳矣乎雖然紀事存乎志可傳存乎
公化導存乎人邑誠獲賢使君相仍則官守靈


政教昇人物化文章顯疆域有限都鄙有章貢
賦以時古蹟無圯災可變而祥矣否則官守不
度則政教墮政教既墮則人物落人物既落則
文章萎肆是而疆域越而都鄙厖而貢賦懈而
古蹟湮祥微而災徵焉其如志何哉其如志何
哉是故邑獲厥賢使君雖百歲而一志亦可也
邑弗獲厥賢使君雖一歲而百志亦無益也故
曰化導存乎人謹序諸志首以爲觀風者規焉

皆

嘉靖丁酉夏五月終邑後學張季霖序





恩縣境之圖





晉	嘉慶	大清	康熙	乾隆	雍正	乾隆	嘉慶	道光	咸豐	同治	光緒	宣統
---	----	----	----	----	----	----	----	----	----	----	----	----







縣城之圖



縣治之圖



縣學之圖



恩縣歷代叙表

封域

叙郡

叙縣

唐虞三代冀州之域

戰國 齊晉趙之交

秦

鉅鹿郡地

漢

清河郡

領縣十四

東漢

清河國

領縣六

晉

清河國

領縣六



南朝宋

清河郡

北朝

後魏
北齊

清河郡

置貝州

隋

清河郡

領縣十四
屬河南道

歷亭縣

開皇十六年
改屬清河郡

唐

山南東西道

唐未置魏博節度使

貝州

乾元年改後天寶
元年改爲清河

宋

京東東路

清河郡

未清軍節度使

恩州

慶曆八年改

金

大名府路

恩州

領縣五

元

山東東西道宣尉司

博州路

山東東西道肅政廉訪司

東平路

恩州

屬行省

國朝大明

山東等處承宣布政使司
山東等處提刑按察司

恩縣

洪武初降
津東昌府

恩縣志目錄

疆域志卷之一

建置

分野

山川

形勢

風俗

物產

都鄙志卷之二

城池

署舍

亭鋪

津梁

貢賦志卷之三



貢賦

戶口

課程

馬政

屯田

徭役

政教志卷之四

學校

惠政

廟貌

壇壝

坊牌

武備

寺觀

古蹟志卷之五

封建

陵墓

城壘

丘園

井泉

臺宇

堤堰

景致

人物志卷之六

薦舉

進士

鄉貢

歲貢

例貢

隱逸

孝義

貞烈

封爵

壽官

鄉耆

官守志卷之七

官蹟

職官

官名

文章志卷之八

文類

詩類

灾祥志卷之九

文音灾類之八 祥類

政教實錄

官制

地理

古蹟

藝文

人物

恩縣志卷之一

太學生邑人張季霖纂脩

知恩縣事洛陽杜永昌校刊

疆域志

建置 里至 分野 山川
形勢 風俗 物產

昔禹敷土以別州境奠高山大川以表州鎮則

疆域之制為急今以建置見疆域之異里至見

疆域之界分野見疆域之屬山川見疆域之鎮

形勢見疆域之險風俗見疆域之尚物產見疆



域之宜析其目為七作疆域志

建置

恩縣按禹貢及周職方皆冀州之域周趙平原
君封邑地春秋時齊里丘秦為鉅鹿郡地漢置
清河郡領縣十四清陽愬題繹幕歷亭貝丘信
城東陽信鄉康強復陽武城郟靈繚東漢為清
河國晉南北朝皆因之領縣六清河繹幕貝丘
東武城靈郟後魏北齊並為清河郡後置貝州

郡如故隋初清河郡後罷郡復置為歷亭縣屬
清河郡而廢貝州唐乾元初復置貝州天寶元
年改州為清河郡屬河北道領縣九清河清陽
武陵臨清經城夏津漳南宗城歷亭五代晉陞
為永清軍宋慶曆間改為恩州宋初為清河郡
慶曆八年郡人王則以彌勒佛作亂仁宗命文
潞公討之誅王則而宥餘黨遂請命改為恩州
金屬大名府路元以恩州隸中書省

國朝初改為縣隸高唐州徙今治洪武二年徙縣東
四十里許官鎮卽今縣治編戶三十二里今增
為三十七里

里至

廣七十里 袤六十里 東至平原縣界堤口
一十八里 西至武城縣界雍家渡五十五里
南至高唐州界譚家庄鋪三十里 北至德州
界甜水鋪三十里 東到平原縣治二十五里

西到武城縣治七十里 南到高唐州治七

十里 北到德州治七十里 東南到濟南府

治一百八十里 東北到陵縣治九十里 西

南到東昌府治一百八十里 西北到故城縣

治七十里 東南到南京陸路一千五百八十

五里水路二千七十五里 西北到北京陸路

七百八十里水路一千二百四十里

分野

禮經會元辨周禮保障氏言星土辨九州之地
不明言其所辨者何星是星土分星不可以州
國定名亦明矣按晉天文云自胃七度至畢七
度為大梁於辰在酉趙冀之分野屬冀州費直
起婁十度祭邕起胃一度魏大史陳卓昴畢趙
冀州清河入昴九度清河即今恩縣是也今參
之山東通志據分野書恩縣屬胃昴畢趙分蓋
齊之接境也及考之東昌府志亦謂恩屬冀州

其在天文昴畢趙冀之分野也今一從其說云

山川

西山 在縣治西四十里舊恩州境古清河郡治
陰山 在縣治南二十里林木之陰周

匝數里之外故名今見有土阜
津期河 在縣治南二十里因地名白津期溢酒無常不

通舟楫或曰即隋鑿永濟渠也
黑龍潭 在津期橋之東其深不測世傳有龍能興雲雨

禱雨取水其中多有應云
白龍潭 在津期橋之西衛河

河其源出自衛輝輝縣經
本境北注直沽入于海

形勢

西山遠峙衛水迤流長堤環繞大阜雄據古昔
為大都舊治今當南北兩畿之衝為諸邑之最
要焉

風俗

地土廣大戶口殷富士尚禮義人勤耕稼入

國朝來密邇京畿

聖化漸被尤深雖閭閻細民亦願遣子入學風淳而

俗厚矣

舊志

多感慨悲歌之士

韓文

物產

穀類

稷如黍有三色黑黃赤

黍似稷而圓有四色赤

以釀粟有兩種其一為民食之常用者名不可

黃米亦可春小麥春種夏實大麥日麩春種

夏實蕎麥夏種秋實小麥春小麥其種不一

小黃豆大黑豆小黑豆大紅豆小紅豆其種不一

之蠶絲春種秋實莖高丈餘穗大如帚子作米

見王氏 脂麻 張騫得其種於胡地取其油可以 農書 煎烹可以燃點見王氏農書

瓜類

西瓜 味甘其穠有紅白黃三色其 黃瓜 樹枝引 子有五色食之可解暑渴 蔓延綠

而生可鮮食亦可 冬瓜 夏種秋實先毛青後白 醬藏見王氏農書 皮生而成冬月可熬而

食 甜瓜 先苦後甜 筍瓜 結實早者謂之燥瓜其 性最寒 色青秋月結實者其色

白俱可生食 絲瓜 其長有一二尺者可少食稍 可漚為蔬 長則其穠如絲然二月種夏

秋間 瓠 二月種六月結實可 壺 色白或甘或苦 結實 瓠 作羹長而圓其色白 其種不一甘者

可作羹苦者其殼可作器亦可浮水 蓋壺善浮二月種六七月間結實

蔬類

芥 味辛多食則墮淚似松而有毛莖 莖白葉 根俱可淹茹其子為末可調菹醢 葱 香味辛

屬葷赤根者名蘆葱能 韭 說文云一種而久者 通氣俱可生食及淹茹 韭 為之韭詩謂獻羔祭

韭禮祭宗廟韭曰豐本一歲之中不 芥 水菜也 過五剪其子止噎蔬中最養人者 一名水

英畦種之其氣芬芳其味脆美水深則莖 白菜 肥而葉少水淺則葉多而莖瘦其莖有稜

莖濶而長者為杓頭白莖圓而長者為箭幹白 莖濶而短者為蓮花白並淹藏以禦冬春種者

收子秋種 蔓菁 莖葉似芥而味不辛在詩曰葍 者為菜 又呼為諸葛菜根莖皆可食

菠菜 其種來自頰陵國俗呼赤根菜以根赤故 也葉肥而有稜味甘秋種冬食春方結子

有生菜 味少苦性寒莖葉 苜蓿 葉如蒿氣香味 叢生可生食故名 莖圓而空

芫荽 香菜也菜如芹差小夏種秋冬食 蘿蔔 本 之煎湯能去百疢又能發癰疹

蘆薈 凡三種一根白莖赤一根莖俱赤一細長 而脆名水蘿蔔生能破氣解熱毒故又名來龍

胡蘿蔔 葉如芫荽有芒 莖 種凡三色曰紅莖菜 根赤長而殺 莖 曰白莖菜曰紫莖菜

易曰莧陸大夫列子曰 茄 有二種春種夏實其 老韭為莧食齏者忌 茄 一味辛有黑白二色

形圓可熟食其一形圓多水亦有 香菜 其味辛 黑白二色俗呼為水茄可生食之 可作羹

用 眉豆 蔓生黑白二種豆上有眉色白黑 者花紫白者花白其角可炒食 若蓬

色青其莖類箭幹 白菜肥美可熟食

果類

棗 爾雅云大曰棗小曰棘若酸棗所謂棘也詩 曰八月剥棗且棗全赤即收乾則紅歛其味

甘可食酸棗仁可為藥材 桃 味酸華紅其味亦 其性煖亦可以護養華牙 有微甘者俱可食

梨 味甘微酸寒能下痰除客熱止心煩曰乳梨 皮厚肉實曰鵝梨皮薄漿多其餘梨水梨

杜梨之類甚 李 李類甚多有青李黃李紅李香 多皆可食 李凍李青者味澁黃者紅者味

微甘而酸香者味甘 梅 似杏而大其味香甘而 凍者霜降後始可食 微酸迺接杏樹生者淮

南子曰一梅不足為百人酸 杏 味酸不可多食 蓋南方種今梅非其類也 有數種核大而

扁者為金杏此等須接其他皆不連也 沙果 有 接齊丘化書梅接杏而本強者其實甘

黃二色黃者味甘夏實一名硃砂紅味甘夏實一名秋砂紅味微酸秋實俱接柰樹而生

石榴 味甘酸陶隱居云石榴以花亦可愛故人云張騫為漢使外國十八年得塗林安石榴是也

葡萄 味甘酸花極細而黃白其實有紫白二色而形之圓銳亦二種河東人取其汁可以醱酒按張騫使西域得其種而還種之中

國始有蓋北文官果 其形四稜有仁如螺外殼果之最珍者以房唐德宗出狩道旁有

以是果獻者遂官其人故名 蘋婆 大如柑橘色或曰其種類自文官得之

樹而生亦曰 平坡見藏經

木類

木類

柳 柔脆易生有赤柳有垂線柳春早發秋後凋詩曰苑彼柳斯是也 榆 先著莢

其莢可食先敷葉而後著 楊 葉圓而大者曰白莢者曰白榆其材俱堅

曰青楊霜降而葉 椿 葉疎氣香結子春可採赤者曰赤楊可材 椿 食葉密而臭則樗也

葉可蚕椹可食有黑 鬼 性暢茂華黃可染白似白其不食者為鹵桑 木 子玄可藥材堅

而葉扁皮赤其子香亦可 作藥耐冬有芒者謂檜栢

藥類

地黃 味甘性平能補血生 地骨皮 味甘性平能

平衍沙地中即 菟絲子 黃如金絲味甘性平能 狗杞子根也 生精利小水托根蒿藜

而生或云無根劉禹錫述抱朴子云菟地膚子
絲子苗下有伏菟是也無菟即不成

味苦性温能利小便水即掃帚子是也淫蘭性温味苦能調文經即今之省頭香是也又云

女兒益母草味微鹹性平出平行陰地中善保產故名即今天麻是也苦丁

香味苦善吐痰用即甜瓜蒂是也瓦松味鹹性寒走腎經明目用舊瓦舍壠中者佳

天花粉性寒味甘苦醫諸瘡潤頰渴即瓜蒌根是也血見愁性平味微鹹善

止血出熟地中車前子味甘性平生精利小便詩註云大葉長穗好生道傍其根即小

大黃俗呼牛舌頭科是也酸棗仁味甘苦性平安神定魄寧志除驚火麻子

味甘性平能破血潤腸俗呼好麻子是也桑白皮味微酸性平洩肺氣定喘止嗽消脹

滿亦用之即木賊味微鹹性寒洩肝止淚明目俗呼為節節草是也檮

木味微苦性澁能止痢瀉堅大腸又止臍中下血其木高三二丈即今之椿樹也其上有玉

具翅足號樗難能通女經趨下有紅裙亦名紅娘是也葶藶味辛苦性寒無毒主癰瘕

積聚結氣飲食寒熱破堅逐邪通利水道久服令人虛枸杞子一名仙人扶味苦寒

無毒條生花紫根名地骨皮春取苗夏秋取子冬取根能補艾味苦根無毒一名水臺葉

類菊稽類蒿可灸乾久益善蒺藜味苦辛温微寒無毒一名茨細葉叢生其實多刺能

右蓖麻子味甘辛平有小毒主水癥水研二十枚服之吐惡沫又主風虛寒熱身體

瘡癢浮腫竿取油塗之今人亦作油用

草類

小藍 長穗而紅生水澤中其葉可染
大藍 爾雅曰藍染草也即今大葉冬藍為靛者

是也詩曰終朝採蓬蓬草之不理者詩曰首如飛蓬不盈一擔即此蓬蓬意取此商子曰蓬遇飄

風而行千里乘風之勢也蒿也爾雅云繁之醜故古者觀轉蓬而知為車蒿也爾雅云繁之醜

秋為蒿蓋繁之類至秋則茅生沙薄地中葦二高大矣故通呼為蒿也

一生陸者為旱葦一生河萍無根而浮長與水者為水葦俱可以織席

名水簾五月始生世說楊花入水化為浮萍

花類

葵 夏月開花如木槿色或白或紅或紫葵心隨日光所轉左傳云葵尤能衛其足格物叢話

葵之種有蒲葵蜀葵其名菊 其名不一色或黃不一今之葵即蜀葵也 或紅或白或紫鮮

菊可以釀酒乾菊著萱草草之忘憂者格物論枕亦可以去頭風 謂其宜男懷妊佩之

必生榴花種出西域色赤有千葉有單葉韓詩男也榴花照眼明謂盛開于五月也

金盞 葉長而狹花黃如金故名木槿五月始華月令木槿榮

瞬之義取此詩曰顏如玉簪一名白鶴葉如芋舜華則言不可與久也 而差小秋始華色

白未開如簪故名其雞冠紅白二色花着莖端氣芳根汁可化骨 其子黑而小焙乾可

止瀉形如石竹有淺紅深紅有叢葉 茨梅夏生雞冠故名 單葉形如竹故名 色或

黃或紅其氣芬春生色黃莖有絨花樹生
芳莖有茨故名茨形如雀故名

細如絨葉如金盞花如菊而小故名俗云露滴地即生故名紫蝴蝶

葉扁一名扁竹花
如蝴蝶而紫故名

鳥類

鷄本草云異為鷄為風鷄鳴於五更者日將至
異位感動其氣而鳴也記曰翰音雄雞司晨

牝鷄否古人鳥二種有鴈鵝有白鵝陶隱居云
云牝鷄無晨我東川多溪毒養鷄以避之本草

云膏主耳卒聾毛主射格物論云鴨家鷺也
工水毒肉平利五臟鴨綠頭文翅紅脚羽冷

賴鷄伏卵以生色雜亦有純白者皆自乎鳩本
其名本草云白鴨肉補虛消毒熱利水道鳩色

衍義曰班鳩嘗養之數年竝不見春分化為黃
褐候秋分化為斑鳩有白斑者有無斑者有灰

色者有小者有大者久病虛損人食鳩鳩類也
之補氣雖有此數色其用即一也鳩鳩類

翔集屋間又云鷓鴣本草云白鷓味鹹鳥陶隱
平無毒肉主解諸藥毒及人馬久患疥苦居云

一名飛駁鳥鳥之雌雄難別舊云其翼左覆右
是雄右覆左是雌又燒毛作屑內水中沉者是

雄浮者是雌本草鳥格物論鳥雅別名及哺其
云雄鵲子下石淋母者名慈鳥張華禽經云

孝鳥長則反哺其母本草云鳥雅平無毒治瘦
欬嗽骨蒸勞瘵朱博為御史大夫先御史府有

松柏樹常有鳥數十棲其伏翼蝙蝠也出人家
上朝去暮來號朝夕鳥屋間唐註云以

其畫伏有翼爾衍義曰白日亦能飛但畏鷲鳥
不敢出此物善服氣故能壽冬月不食亦可驗

矣本草云味鹹平無毒
雀頭如穎蒜目如擘椒
主明目夜視有精光
四時有子史記周武

王時有赤雀銜書為瑞應又
雉質具五采書曰
月令季秋雀入水化為蛤
華虫白呂太后

諱雉號為野鷄
水鷄如雞而小
水鴨如鴨而小
至今不易其名
善浮故名
善浮故名

斲木口如錐長數寸長以斲木食
虫故名俗言
此鳥善為禁法能曲瓜畫地為印則冗之

塞自開飛輒
鷺鷥頭上有絲禽經曰鷺鷥則絲
以翼環之

雁藏殺鷺鷥
匹鳥有思者也古今注曰鷺鷥鳥
機也類也雄雌未嘗相離人得其一一

思而死故謂之匹鳥
嘗浮縣治南津期河

獸類

牛其性順故易坤為牛抱朴子曰鴈銜蘆而持
網牛結陣以却虎牛善角虎環其首外觸則

虎雖猛巧不能制也有馬火畜也其性捷故易
力耕田駕車多賴之乾為馬毛色難悉絡

首人多羊二種有長鬣者其絨可為毡有毛深
者其毛可為毡性善群畏濕故詩曰

羊牛下來羊畏露而驢格物志驢似馬耳驢有
早歸常先於牛故也長有力亦可乘馬驢有

父馬母者有馬父驢母豕水畜也古今注一名
者俱可駕車亦可乘長喙將軍記凡祭祀

之禮豕曰剛犬金畜也其性守易曰良為狗狗
鬣豚曰脂肥善驚止禦能搏兔者俗呼為細

犬又宜羨故貓陰類格物論目睛旦暮圓及午
禮有犬羨則如線其鼻端常冷惟夏至一

日煖善捕鼠故記郊特兔口有缺吐而生子兔
牲迎猶為食田鼠也者吐也故名誓說兔

者明月之精視月而孕故楚詞曰願兔在窟獸
腹言願兔居月之腹而天下之兔望焉
者者也出穴以貉先狐穴居其性好疑其色中
導為曲穴以避雨暘和死則丘首其皮可以
為裘故詩曰蛄狀似鼠性極鈍物少犯近則
錦衣狐裘 蛄毛刺攢起亦可以治胃疾

鱗類

鯉此今之頰鯉也一名鱣鯉脊中鱗一道每鱗
上有小黑點文大小皆三十六鱗魚之貴者
鮒肉厚而美本草所謂鱗魚色黑而體促腹大
而脊隆孟詵云鮒是稷米化之其魚腹上猶
有米 鮒肉多能深入泥中 鱣無鱗長鼻軟骨口
色 鮒故俗謂之泥鮒 鱣在頰下詩曰有鱣
有鮒 鱣似鱗而白形狹而長
即此也 鮒若條然故曰鮒也

介類

蟹以眼聽穹脊連脊甲蟲也伏于淵而卵于陸
此愚化也世云蟹伏隨日謂隨日光所轉朝
首東向夕首西向又云蟹之所在其段長鬚魚
上必有浮沫謂之蟹津捕者以此 魚尾其背
則曲去其殼其中
肉俗謂之蟹米

虫類

蠶喜陽惡濕食桑三眠三起老則成繭有黃有
白繅則成絲鄭云蚕為龍精月值大火則浴
其種一生桑樹自食桑葉蜂有君臣之義主之
亦能繭可絲俗謂之桑繭 蜂所存衆蜂為之旋
繞采取百芳釀蜜其房如脾脾可為黃臘一種
黃蜂無蜜其窠仰綴於屋窠亦可藥一種細腰

名蒲蘆其聲蛙格物論蛙蝦蟆也皮上腹下有
云類我類我蛙黑斑點脚短能跳接百至即不
鳴一種腰細口六皮蒼鰲色
俗名田鷄其腿肉亦可食

泉類

布有精有粗皆以木絲為之紬以練繭張絲為之絹體有精粗色有黃白俱以絲為

之綾有素有華俱以絲為之麻一種絲麻一種大麻漚其

恩縣志卷之一 終

恩縣志卷之二

都鄙志

城池 署舍 鄉園 亭鋪 津梁

成周土方氏掌土圭之法以土地相宅而建邦
國都鄙治之以八則恩邑亦古之國也都鄙之
制雖與古不合然亦有不可缺者今以城池為
都鄙之保障署舍為都鄙之化導鄉園為都鄙
之附麗亭鋪為都鄙之成務津梁為都鄙之便
利析其目為五作都鄙志

城池

舊城在正西四十里洪武七年始遷邑于此至
成化二年都御史原傑檄本縣縣丞高安創築
土城一座周圍五里餘高二丈五尺有奇濶一
丈二尺許門樓五東曰東作西曰西成南曰迎
薰北曰拱辰西北曰廣順門以鐵裹守以壯丁
梁頭一千六百一十有奇窩鋪七座夜壯丁往
來巡邏其上池濶一丈五尺深九尺至成化二

十三年知縣李希哲重脩嘉靖八年知縣呂應
祥五門樓又各新之今嘉靖十六年知縣杜永
昌城補頽池鑿於而地險愈於舊焉

署舍

縣治 在城西北隅洪武七年縣丞申範奉檄自
舊縣遷治今所肇創正統七年知縣陳俊
天順五年知縣李翔成化二十
三年知縣李希哲相繼脩理

正廳三間

穿廊一間

後廳三間

幕廳一間

庫房三間

東司房六間

西司房六間

戒石亭一座

龍亭儀仗庫三間

儀門三間

禁獄九間

在儀門西

大門一座

知縣住宅

在縣廳後

縣丞住宅

主簿住宅

管河主簿住宅

典史住宅

俱在縣廳東

吏舍四十六間

廩房三間

俱在縣西司房之後

府館

在縣治西南成化九年知縣王偉創建成化十六年知縣堵果弘治四年知縣李希哲續

脩嘉靖十年知縣呂應祥更添蓋左右廂房各三間

正堂三間

後堂三間

穿廊一間

廚房二間

東廂房三間

西廂房三間

儀門一座

大門一座

太平馬驛

舊在縣治北五里屬德州成化三十一年遷恩縣屬縣治在縣治南知縣堵果

知縣李希哲

相續成之

正堂三間

耳房二間

鋪陳庫

東西各五間

後堂五間

廚房五間

廂房三間

庫房十四間

廩房三十餘間

儀門一座

大門一座

陰陽學

在縣治東洪武十七年開設

醫學

在縣治北洪武十七年開設

僧會司

在縣治拱辰門外正統六年開設

布政分司

在縣治南正統五年知縣馮好學創立
成化十七年知縣堵昇成化二十三年

知縣李希哲重脩

正堂三間

後堂五間

穿廊一間

東廂房三間

西廂房三間

廚房三間

儀門一座

大門一座

前房三間

在大門之東

按察分司

在縣治東洪武七年縣丞申範創立
天順四年知縣李翔成化十七年知縣堵

昇弘治四年知縣李希哲續脩

正堂三間

後堂五間

穿廊一間

東廂房三間

西廂房三間

廚房三間

儀門一座

大門一座

太僕寺

在縣治南宣德六年縣丞鎖愷創立景泰二年縣丞安惠重脩

正廳三間

退廳三間

大門一座

鄉圖

三十七里

一鄉

一圖

二圖

三圖

四圖

五圖

六圖

七圖

八圖

九圖

十圖

十一圖

十二圖

十三圖

二鄉

一圖
二圖
三圖

四圖
五圖
六圖

七圖
八圖
九圖

十圖
十一圖
十二圖

十三圖

三鄉

在城坊市
一圖
二圖

三圖
四圖
五圖

興外六圖
七圖
八圖

九圖
十圖

亭鋪

旌善亭
在縣治大門之東創建無考嘉靖九年知縣呂應祥重脩

申明亭
在縣治大門之東創建無考嘉靖九年知縣呂應祥重脩

雷家集接官亭
在縣治西南二十里嘉靖十年知縣呂應祥重脩

廳房三間
廂房三間
門樓一座

陳里長屯接官亭
在縣治正西四十里嘉靖十年知縣呂應祥重脩

廳房三間 東廂房三間 西廂房三間

門樓一座

北關接官亭 嘉靖十年知縣呂應祥創立

中廳房三間 大門樓一座

總鋪 在縣治南街東

郵亭一座 官廳三間 東房三間

北房三間 前房三間

興化鋪 在縣治南十里

郵亭一座 官廳三間 西房三間

北房三間 前房一間

榆林鋪 在縣治北十里

郵亭一座 官廳三間 西房三間

北房三間 前房一間 石碑一通 文見文章

王杲鋪 在縣治北二十里

郵亭一座 官廳三間 西房三間

北房三間 前房三間

津期鋪

在縣治南二十里

郵亭一座

官廳三間

西房三間

北房三間

前房一間

以上進鋪俱創於洪武初年主簿黃常源

成化六年縣丞高安成化十二年知縣堵昇成化二十三年知縣李希哲嘉靖十年知縣呂應

祥重
脩

白馬廟鋪

高姑姑鋪

滕家口鋪

回龍廟鋪

八里堂鋪

新開口鋪

曹家口鋪

以上淺鋪在衛河岸去縣治五十里正統間總督漕運平江伯始設立老人奉

民於沙淺插標以便糧運鋪岸植樹木鑿井以廣利濟今每鋪設老人一名督民丁十名撈淺疏通舟行便之

津梁

津期橋

在縣治南二十里今名永長橋

陳家口橋

在縣治東十二里義民趙明創造有碑見文章

減水閘

在縣治北五十里衛河岸嘉靖十五年知縣杜永昌奉工部郎中楊旦奏請明文創置遇河漲以便洩水

恩縣志卷之二 終

恩縣志卷之三

貢賦志

貢賦 馬政

戶口 屯田

課程 徭役

周禮以九貢致邦國之用以九賦斂財賄所以
取於民而供於上者也我

朝稽古定制因田以出賦因土以致貢至於課程馬
政屯田徭役戶口恩俱有之數事雖非貢賦而
亦因丁力以興是亦貢賦之務也今析其目為
六作貢賦志



貢賦

歲貢活鴈一十五隻

歲辦雜色獐羊皮二百零二張成化二十一年

奉工部勘合每獐羊皮四張折造或青紅綠色

胖襖一件每件制長四尺濶三尺六寸中貯花

絨二斤歲造各色胖襖共五十一件貢之以為

常

洪武二十四年官民地

二千一百九十頃一十九畝

夏稅

小麥二千三百八十六石一斗三升四合六勺八抄七撮五圭

秋糧

粟米七千九百石九斗八升九合三抄七撮五圭絲花絨一百六斤一十二兩

永樂十年官民地

四千二百六十四頃七十八畝

夏稅

小麥六千八百一十一石四斗四升八合八勺一抄二撮五圭絲絨共二百三十七

斤一錢七分七釐

秋糧

粟米一萬五千八百九十三石三斗八升五勺六抄二撮五圭絲花絨一千二百八

十斤四兩

天順六年官民地

四千二百八十頃一十八畝

夏稅

小麥六千八百三十七石五升八合八抄
二撮絲絲共二百三十八斤一兩六錢

秋糧

粟米一萬五千九百五十三石一斗三升
六合七勺五抄八撮絲花絨一千二百八

十四斤

成化八年官民地

四千二百八十四頃
四十畝一分八釐

夏稅

小麥六千八百二十七石五升八合五勺
八抄五撮絲絲共二百三十八斤八錢三

分六釐六毫二絲

秋糧

粟米一萬五千九百五十三石一斗七升
一合四勺八抄絲花絨一千二百八十四

斤

弘治五年官民地

四千二百八十四頃
四十畝一分八釐

夏稅

小麥六千八百三十七石七斗三合四勺
七抄絲絲二百三十八斤一兩八錢三分

六釐六毫

秋糧

粟米一萬五千九百五十三石一斗七升
一合四勺三抄絲花絨一千二百八十四

斤

弘治十五年官民地

四千二百三十三頃
一十五畝一分八釐

夏稅

小麥六千八百三十七石七升三合四勺
三抄二撮絲絲二百一十斤三錢

秋糧

粟米一萬五千九百九十三石一斗七升
一合四勺八撮絲花絨一千一百二十斤

一兩

正德九年官民地

四千二百八十
四頃四十畝

夏稅

小麥六千八百三十七石七升
絲絲二百三十九斤六兩五錢

秋糧

粟米一萬五千九百五十三石一斗七升
絲花絨一千二百八十五斤六兩

嘉靖十五年官民地

四千二百五十九
頃八十六畝六分

夏稅

小麥六千八百三十一石
七升三合四勺三抄二撮

秋糧

一萬五千九百五十三石
一斗七升一合四勺八撮

戶口

四十二百八十四

洪武二十四年

戶二千一百
三十五

口一萬四千二
百八十四

永樂十年

戶三千八百
三十九

口二萬五千四
百一十九

天順六年

戶四千三百
二十七

口二萬二千
三十五

成化八年

戶四千七百
二十一

口四萬四
十三

成化十八年

戶 五千一百七十五

口 三萬八千七百八十二

弘治五年

戶 五千八百八十一

口 四萬一千四百九十一

弘治十五年

戶 五千二百四十六

口 四萬五千六百五十四

正德七年

戶 五千二百四十六

口 四萬三千六百五十四

嘉靖十五年

戶 六千八百三十七

口 二萬三千七百九十四

課程

歲額辦各色課鈔 五百七十
三錠三貫

馬政

原額種馬 二百二十四

兒馬 四十四

騾馬 一百七十六

群長 五名

群頭 五名

醫獸 五名
原孳止馬駒
春秋起解四



十四匹以備軍用今徵銀陪補因駒不堪故也

屯田

軍屯九 俱係德州左衛撥軍耕種

傅家屯

在縣治西二十五里

魏家庄屯

在縣治西南

秦家庄屯

在縣治西北

瓜園屯

在縣治西

孫家庄屯

在縣治西南

馬家口屯

在縣治東北

紀家庄屯

在縣治西北

惠家庄屯

在縣治西北

乾布屯

在縣治西北五十里

徭役

力差 快手三十名 太平馬驛役使館夫三

名 本縣陸夫二百七十名 本縣撈淺夫二

十八名 本縣淺鋪夫七十名 甲馬營遞運

所防夫八名 甲馬營巡檢司弓兵五名 本

縣各鋪司兵三十三名 本縣各官門子六名

本縣儒學門子三名 本縣布政司門子二名

本縣按察司門子二名 本縣府館門子一名

本縣山川社稷邑厲壇戶各一名 本府禁子二名 本府皂隸六名 布政司庫子二名

本府庫子一名 本縣庫子二名 太平馬驛

鋪陳庫子一名 本縣禁子四名 本縣預備

倉斗級二名 本縣官倉斗級二名 本縣儒

學斗級一名 本縣看倉老人一名 本縣巡

攔二名 本縣水次看倉夫一名 本縣接遞

皂隸四十名 本縣儒學庫子一名 本縣儒

學掃殿夫一名 本縣鍾鼓夫三名

銀差 京班柴薪皂隸八名銀九十六兩 京

班直堂皂隸一名銀十兩 易州山廠柴夫五

十六名銀一百七十三兩六錢 新添木柴銀

一十兩九錢一分二毫五絲 歲辦皮張折造

胖襖共銀六十兩七錢二分五釐 臨清牌夫

一百二十五名銀六百二十五兩 軍器價銀

七兩五錢 本縣各官柴薪皂隸一十一名銀

一百三十二兩 本縣各官馬夫五名銀二百
兩 本府柴薪皂隸二名銀二十四兩 本府
儒學齋夫一名銀一十二兩 按察司柴薪皂
隸一名銀一十二兩 本縣儒學齋夫六名銀
七十二兩 本縣儒學膳夫四名銀四十兩
歲貢盤纏銀三十六兩 鄉飲二會銀一十二
兩 曆日紙價銀四兩六錢二分 布政司刷
印匠三名銀一十八兩 文廟二祭銀四十兩
啓聖祠二祭銀三兩六錢 社稷壇二祭銀一
十二兩 山川壇二祭銀一十六兩 邑厲壇
三祭銀一十四兩 名宦鄉賢祠二祭銀五兩
馬神廟二祭銀二兩 蜡祭一銀一兩五錢
公用銀二百五十兩

恩縣志卷之四

政教志

學校坊牌

惠政武備

廟貌寺觀

壇壝

政以治民教以化民自古並行而相濟者我

朝稽古損益用與特宜學校以育德迺教之地坊牌

以旌淑迺教之風惠政以愛養迺政之首廟貌

以明祀迺政之則壇壝以祈報迺政之典武備

以事事迺政之衛至於寺觀雖非政教之貞我

太祖高皇帝亦不絕滅迺以僧道亦可以化愚俗故



至于今不廢因析其目為七作政教志

學校

儒學原在舊恩縣元季兵燬

國朝洪武七年隨縣遷許官鎮在縣治東南歲久損

壞天順五年知縣李翔重修成化八年知縣王

億成化十五年知縣堵昇相繼續脩櫺星門原

無至成化二十三年知縣李希哲始立之而制

度備矣

先師廟五間

前露臺一座臺之下
雜植栢槐共一十株

東廡五間

西廡五間

敬一亭三間

聖製碑七通

嘉靖十年知
縣呂應祥立

名宦鄉賢祠三間

嘉靖初
知縣崔

雲以文昌
祠改之

戟門三間

前有泮池池之西栢樹一
株聖賢贊碑一通

櫺星門一座

持敬門一間

神庫一間

知縣
李泰

立神厨一間

宰牲房三間

明倫堂三間

在
先

師廟後內卧碑一通題名
碑二通題名記碑一通

退省堂五間

進德

齋五間

脩業齋五間

嘉靖十六年知
縣杜永昌重修

號房十

座 啓聖祠三間

嘉靖十一年知縣何求以饌堂改之

倉三間

學門二座

一在櫺星門東一在先師廟東北

教諭住宅

在退省堂之後

訓導住宅二所

俱在明倫堂前之西

嘉靖十七年知縣杜永昌重脩

社學

一十五處

各三間俱嘉靖十一年知縣呂應祥創立

惠政

養濟院

原在縣治東洪武七年縣丞申範創建成化九年知縣堵昇重脩正德三年知

縣張寧以地隘徙縣治西南內建廳房三間爲官存問處周圍草房三十餘間以居窮民

月給米人三十窮民便之

預備倉

洪武十一年知縣王廷美創設凡四處俱在鄉正統七年知縣陳俊病其不一

移建縣治前成化十年主簿羅帟成化十三年知縣堵昇續脩成化二十三年知縣李希哲奉

明文增建歲貯粟米二萬石以備賑濟嘉靖十一年知縣呂應祥增脩西廩五間

官倉

在縣治西北洪武十一年知縣王廷美創建正統七年知縣陳俊成化十年主簿羅

帟成化十四年知縣堵昇續脩成化二十三年知縣李希哲奉明文增建歲貯官吏俸糧以備

支給嘉靖十一年知縣呂應祥增脩南北廩一十六間

水次倉

在縣治西北五十里四女樹店歲收兌軍米交兌軍衛官船嘉靖十五年燬於

災嘉靖十六年知縣杜永昌重脩

涌澤園

在縣治東北成化十七年山東右布政使邢表檄本縣知縣堵昇創立中有斷

碑一通嘉靖十一年知縣呂應祥奉山東巡撫都御史袁宗儒檄在城并各鄉村增立義塚

十五

廟貌

文廟

詳學校朔望縣學官行香如儀春秋以時舉祀

城隍廟

在縣治拱辰門外洪武七年縣丞申範創建成化二年知縣周恪重脩弘治四

年知縣李希哲增建東西曹房嘉靖十一年醫官紀鵬等各輸貲復大新之朔望縣官行香如

儀春秋享

于壇祀

土地祠

在縣治儀門外東朔望縣官行香如儀嘉靖十七年知縣杜永昌重脩

漢昭烈皇帝廟

在縣治拱辰門外元泰定三年鄉民宋聚創建後民人魏德寶

重脩有碑天順六年知縣李翔復脩舊止有荆閭配祀成化十三年鄉進士郭鈺率鄉人添塑

諸葛武侯像有碑見文章

馬神廟

在縣治南春秋以時祀之

八蜡廟

在縣治東作門外成化二十三年縣丞李傑創建今移縣治迎薰門外嘉靖四

年知縣崔雲改五龍廟為之一年一祀有碑見文章

義祭廟

嘉靖十一年知縣呂應祥奉明文各鄉村創立一十五座各三間

真武廟 在縣治廣順門外宣德十年知縣馮紅學創立天順五年知縣李翹弘治五年

知縣李希哲重脩

東嶽廟 在縣治南二十里津期店

壇壝

社稷壇 在縣治西北春秋祀之

風雲雷雨山川壇 在縣治西南春秋祀之

邑厲壇 在縣治東北歲三祀之

鄉厲壇 在縣治東北以上壇壝俱洪武七年縣丞卓範創建天順四年知縣李翹成化

十六年知縣堵昇成化二十三年知縣李希哲續脩

坊牌

布政分司坊 弘治十二年知縣李泰立

城隍祠坊 弘治十二年知縣李泰立

儒林坊 弘治三年知縣李希哲立

經魁坊 永樂十一年為舉人郭麟立

拔萃坊 宣德五年為舉人宋瑛立

勅書廣糧坊 正統五年為義民張甫林立廢



勅書廣糧坊 正統五年為義民傳友直立廢

雙節坊 正統十一年為節婦張安住妻王氏張緣由妻畢氏立

甘霖坊 天順三年為舉人傅性立廢

世科坊 成化元年為舉人郭鏗立

進士坊 成化二年為進士郭鏗立

再芳坊 成化四年為舉人郭鈺立

凌霄坊 成化七年為舉人褚敬立

孝行坊 成化九年為孝子王弘立廢

登第坊 成化十年為舉人張崗立

都憲坊 成化十三年為都御史郭鏗立

叢桂坊 在四女樹成化十七年為都御史郭鏗暨弟郭鈺立

躍龍門坊 成化二十二年為舉人劉釗立今廢

進士坊 成化二十三年為甲辰科進士郭鈺立

步蟾宮坊 弘治二年為舉人祁士英立

秋鶚凌霄坊 弘治二年為舉人王景立

春鯨躍浪坊 弘治三年為進士王景立

世科坊

弘治五年為舉人傅汝楫立

進士坊

弘治八年為進士龐璉立

附鳳坊

弘治九年為舉人紀存義立

進士坊

弘治十五年為進士劉經立

皇都得意坊

弘治十七年為舉人朱勝立

貞烈坊

弘治十八年為承差李資妻孫氏立

光裕坊

正德五年為舉人申瑄立

恩榮坊

嘉靖八年為進士左傑立

折桂坊

嘉靖十年為舉人劉魯生立

五馬承恩坊

嘉靖十五年為刑部郎中董琦立

黃門清要坊

嘉靖十五年為贈工科給事中石達立

武備

演武場

在縣治迎薰門外西長一百一十五步闊三十五步

正堂三間

將臺一座

快手三十名

守門民壯一百八十五名

分隸五門晝盤詰以防姦細夜擊柝

以禦暴客縣委佐貳官一員專管操練兼巡捕

寺觀

崇興寺

在縣治拱辰門外僧會司在洪武二十三年僧普廣創立永樂十二年僧錄司

割付僧定

慧住持

洪鎮寺

在舊恩縣西北建于唐兵火于元國朝永樂初復建

白佛寺

在縣治東南五里

觀音寺

在四女樹景泰四年僧行儒重建

興國寺

在縣治西南三十里

岳覺寺

在縣治西二十里

張官寺

在縣治西北四十里

寶融寺

在舊恩縣東南隅

羅漢寺

在縣治西北七十里漳南鎮住持如秀重脩因鐵羅漢遺像故名

卧佛寺

在舊恩縣西南隅

福祿寺

在縣治北一十里

毛家寺

在縣治西北五里

翟家寺

在縣治東北十里

鑑露寺

在縣治西四十里

三官堂 在縣治北五里

靜業堂 在縣治西辛庄六十里

三教堂 在縣治西北一十五里鄉耆張政重脩

長春觀 在舊恩縣西南廢

火星觀 在舊恩縣東南廢

觀音堂 在縣治西北四十里鄉民孔和脩

三官堂 在縣治東北二里新立庄鄉民李朝宦脩

恩縣志卷之四 終

恩縣志卷之五

古蹟志 封建 陵墓 城壘 丘園 臺宇 井泉 堤堰 景致

滄海桑田桑田陵谷古今變移無常故往古之蹟弗可湮淪使後有所考焉恩自三代以至於今有封建陵墓為古人之蹟有城壘丘園井泉臺宇堤堰為古地之蹟有景致為古幽趣之蹟物換時移有存有廢弗志而湮後何所考乎今析其目為八作古蹟志



西漢

清河剛王

文帝諸姬子代王參之孫名義武帝元光三年嗣為代王立二十年當元

鼎四年徙為清河王又二十年卒子頃王湯立二十四年卒子牟立三年坐淫亂廢為庶人國

除清河三傳凡四十八年

清河哀王

景帝子名乘中三年封都清陽食清陽東武城等十四縣立二十年卒無

子國除為清河郡

東漢

上慶尊號曰孝德皇

清河孝王慶

建初四年立為皇太子後廢為清河王卒長子祐嗣殤帝是為安帝

西漢功臣侯

清河侯王吸

以中涓從起豐至霸上為騎郎將入漢以將軍擊項籍侯二千二百

戶傳疆仇不害克國清陽縣屬清河郡漢表以為清河侯

南北朝

清河侯崔頤

字大中暹之子仕魏為散騎常侍有功賜爵為清河侯

唐

清河郡公房啓

河南人為容州經畧使有大功封清河郡公

清河郡公崔隱甫

貝州武城人為殿中侍御史時浮屠慧範倚太平公主

人子女隱甫劾之反為所擠貶邕州司馬玄宗立擢汾州長史遷洛陽令以廉介自守累遷御史大夫多所劾正後遷

刑部尚書封清河郡公

清河伯林放

字子丘魯人唐贈為清河伯唐周相去之遠雖有清河伯之贈實未

食其地也

自晉元南渡之後五胡竊據封建侯王無復

可考宋齊梁陳偏安南土惟元魏北齊時封

爵冒濫多用地名然亦未有胙土之實唐制

諸王亦存虛名受封之始內府需給其後不

過食解租于京師不得治於其國封建之制

廢幾盡焉肅代而後田氏據魏博貝相衛磁

洛七州貝即今之恩也田氏據而有之封建

無可言者矣通志

陵墓

唐

羅士信墓

在舊恩治東南從秦王擊劉黑闥守
名水城城陷不屈而死因移葬于此

宋

孟克從墓

在恩州平樂鄉德化里即今之
四女樹是矣有遺志見文章

元

達魯花赤郭仲彬墓

在縣治西北五十里
四女樹漳水之涯

城壘

恩故城

在縣治西四十里故址猶存城內有四
坊東曰文德西曰叢桂南曰宣化北曰

武安
俱廢

金完顏右丞故城

在縣治南三十里有香火院
今稱為興福寺弘治元年奉

禮部勘合非係
古剎拆毀馬

文會齋

在舊恩縣遺址尚存
元張汝卿讀書之所

安樂鎮

在縣治西北五十里舊有紫水院因耕
地得石刻而知後衛河流出自石觀音

一尊想共紫
水院遺像云

漳南鎮

在縣治西北七
十里有環水

李姑鎮

在縣治西
北二十里

王杲鎮

在縣治北
二十里

丘園

四女樹

在縣治西北五十里故老相傳有四女不嫁孝養父母共植槐一株故名

臺宇

回鑾殿

在縣治東南二里許永樂間太宗文皇帝駐蹕之所

鼓樓二座

一在縣治儀門外一在太平馬驛儀門外

鍾樓臺一座

在學宮東正德四年知縣張寧建鄱陽楊翔贊昔頗有成而聲未響

厥脩乃來妙哉斯爽西方之氣兮與運而俱化鳳鳴朝陽兮聲聞乎天下

北孝子臺

在縣治北十里孝子王弘廬墓所築

東孝子臺

在縣治東北十二里孝子宋曰智廬墓所築

井泉

甜水井

在縣治南五里太宗文皇帝駐蹕于此飲之甘故名

古井

在學宮明倫堂之左其水常淵淵汲之不竭

堤堰

陳公堤

按一統志自德州東五里歷恩縣接東昌府界陳堯佐守滑時築之以障黃河

故名舊志以爲白圭堤誤矣

景致

西山晚眺

在恩故城西

古渡漁煙

在縣治東十二里陳家口

漳南夜月

在縣治西北七十里

崇興曉鐘

在縣治拱辰門外崇興寺

四女遺槐

在縣治西北五十里四女樹舊志以爲古店四柳誤矣

回鑾行宮

在縣治東南二里


平沙落鴈

在縣治西二十里

津期長橋

在縣治南二十里

恩縣志卷之五 終



恩縣志卷之六

人物志

薦舉 進士 鄉貢 歲貢 例貢 隱逸
孝義 貞烈 封爵 壽官 鄉耆

地靈人傑接古如茲惟嶽降神生甫及申恩雖

無名山大川之秀麗迺北邙 京畿

聖化漸染尤深南接鄒魯孔孟遺教居多是故人材

輩出歷代不乏有薦舉進士鄉貢歲貢例貢為

人物之縉紳者有隱逸為人物之高尚者有孝

義貞烈為人物之義氣者有封爵為人物之貴



者有壽官鄉耆為人物之老者宜志以風民俗
今析其目為十一作人物志

薦舉

三國

朱靈

從曹操征伐有功文帝禪位封俞侯詔稱
元功之將社稷之臣後更封高唐侯卒謚

威曰

南北朝

房叔安

宋明帝時青州刺史王玄邈辟為長史
玄邈為明帝所疑欲北結魏以叔安諫

而止齊高帝即位懷其忠正時為益州司馬寧
蜀太守就拜前將軍方用為梁州會病卒高帝

漢曰叔安節義
古人難求之耳

傅末

有志幹涉獵經史仕魏為王肅平南長史
時齊將魯康祚趙公政侵豫州末擊殺之

又裴叔業侵楚王戍末復敗之兩月之間遂再
獻捷昭成帝嘆曰上馬能擊賊下馬作露布唯

傅脩期耳脩期末字官至只丘縣男子叔偉脊
力過人彎弓三百斤左右馳射能立馬上與人

角騁見者以
為得末武

傅豎眼

沉毅壯烈仕魏為參軍累官散騎常侍
西征都督卒贈吏部尚書齊州刺史

房亮

好學有節操魏舉秀才奉明請後歷濟北
平原太守以清嚴稱卒贈撫軍將軍齊州

史刺

五代

張歸霸

仕梁累官右龍虎統軍左驍衛上將軍嘗與張彥戰中流矢反拔其矢以射賊

一發而斃奪其馬而歸其驍勇如此

張歸厚

歸霸弟善用弓槊能以少擊衆歷官鎮國軍節度使

張歸弁

亦歸霸弟善戰為滑州長劔指揮使

金

李謙

號野齋仕金號鴻儒官至翰林學士篤志好學人咸重之

馬衡

以孝弟名聞朝廷與王世貴輩皆得書名史官

毛佺

宣宗南渡率衆歸國署為義軍招撫使袁宗遷蔡以佺為都尉圍城之戰佺力居多

城破自縊其子先佺效

張勝飛

仕至翰林直學士

元

劉好禮

順帝時知莒州教民禮義鋤奸弭盜旱蝗致禱遂雨蝗盡滅又嘗辯冤獄平反

甚多及去民立石

張如遇

汝卿子七歲能書大字衆以為神童有司薦於國子學

國朝

馬從字文祥前元進士德性淵宏學問該博洪武初以儒士徵用仕至國子監助教贈翰林

林應奉

進士

唐

張徹以進士累官至范陽府監察御史罵賊至死有誌見文章

張復徹之弟亦進士

五代

崔居儉祖蠡父堯皆為唐名臣居儉善文詞舉進士仕梁為翰林學士歷唐晉官至戶

部尚書嘗自著家禮行之

金

孫鐸字振之大定中進上第補尚書省令史章宗即位除同知登聞諫院事鐸言凡上訴

者皆因尚書省斷不得直若復送省則必不行矣乞自宸衷斷之復奏曰彼年號令或已行而中輟或既改而復行更張太煩百姓不信凡下令再三講究上然之與張復亭議交鈔詰難久之復亭誦上顧謂侍臣曰孫鐸剛正人也雖古魏徵何加累遷太子太師

元

司庠 舉進士為西臺御史鯁直無所顧忌

司廩 庠之弟亦舉進士有才行仕至禮部尚書

王士元 字堯佐泰定中進士知磁州值軍興餉

卒潰散士元顧其子致微曰吾守臣不可避也

張順 勝飛之子英年取科第鄉人榮之名其里

國朝

蘇文 中洪武甲戌進士任山西陵川知縣後陞

郭鏗 仲彬曾孫幼懷慨有大節登成化丙戌進

郭鈺 鏗之弟登成化甲辰進士未仕而卒

王景 會試中弘治庚戌甲榜未殿試而卒

劉經 登弘治壬戌進士初任浙江永嘉縣尹累

劉儒 登弘治壬戌進士任直隸徽州府推官

龐璉 登弘治癸丑進士初任中書舍人歷官至

左傑 登嘉靖己丑進士初任浙江餘姚縣尹後

外郎今陞河南布政司叅議

石遷高 登嘉靖己丑進士初任直隸內黃縣尹

事申今陞大
名府知府

劉洛生 登嘉靖戊戌進士

本科
登嘉靖戊戌進士

登嘉靖戊戌進士

登嘉靖戊戌進士

登嘉靖戊戌進士

登嘉靖戊戌進士

登嘉靖戊戌進士

鄉貢

蘇文 中末樂癸酉科舉任見進士

馬忠 中末樂戊子科舉任浙江道御史


曹廉 中末樂辛酉科舉

李恪 中末樂甲午科舉任直隸安州學訓導

郭麟 仲彬之孫中末樂甲午科舉歷官至陝西按察司僉事見封爵

劉達 中末樂丁酉科舉任鴻臚寺序班

張愷 中末樂癸酉科舉任鴻臚寺序班



宋英

中宣德壬子科舉任河南唐縣知縣

傅性

論 中天順己卯科舉任直隸無極縣學教

郭鏗

由成化乙酉科舉任見進士

郭鈺

中成化戊子科舉見進士

褚敬

中成化辛卯科舉

張崗

中成化甲午科舉任直隸文安縣知縣

劉釗

中成化丙午京闈任河南南陽縣知縣

祁士英

中弘治己酉科舉任直隸松江府通判

王景

中弘治己酉科舉

傅汝楫

性之子中弘治壬子科舉任陝西邠州知州後改直隸宿州知州

劉經

中弘治壬子科舉任見進士

劉儒

中弘治壬子科舉任見進士

紀存義

綸之子中弘治乙卯科舉任河南襄城縣知縣陞刑部主事

朱勝

中弘治辛酉京闈任河南鞏縣知縣陞中軍都督府都事

申瑄

中正德庚午科舉任直隸鎮江府通判

龐璵

中弘治壬子科京闈任見進士

董琦

中正德癸酉科舉初任直隸嘉興府通判陞處州府同知復陞南京刑部員外

郎今陞南京刑部郎中

左傑

中嘉靖乙酉科舉任見進士

石遷高

中嘉靖戊子科舉任見進士

劉魯生

鎬之子中嘉靖辛卯科舉

田孔陽

中嘉靖丁酉科舉

劉洛生

魯生弟中嘉靖丁酉科舉見進士



趙鎔

任工部營膳司主事

穆成

任河南汝州知州

張義

任直隸安慶府知府

張用

任直隸棗強縣知縣

郭宣

任直隸大名府同知

王疇

任直隸安州判官

張肅

任直隸開州知州

宋哲

英之子歷官至監察御史

傅弼

任山西寧鄉縣知縣

趙郁

任直隸鎮江府同知

郭義

任山西靈石縣主簿

雷時

山東昌府學貢

李珪

任陝西鳳翔府照磨

李冲

歷官至山西布政司叅政

劉賢

任湖廣鎮遠衛經歷

李和

任山西萬泉縣知縣



劉逸任直隸完縣主簿

郭昱任湖廣房縣知縣

李燁任福建閩縣河泊所大使

李勤任慶府典儀正

王靖任大同左衛經歷司知事

趙珩任南京撫軍衛經歷陞山西萬泉縣知縣

趙鎔任山西榆社縣知縣

李通正統元年貢任河南鄆城縣知縣

劉暹正統三年貢任直隸遷安縣知縣

王宣正統五年貢任淮安府常盈倉大使

萬禮正統七年貢任廣東高州府通判


劉芳正統九年貢任山西澤州判官

孫鑑正統十一年貢任直隸東鹿縣丞

鄧昱正統十一年應四十例貢任直隸虹縣知縣

王惠正統十一年應四十例貢任山西安邑縣知縣

李銖正統十三年貢任河南河內縣主簿



郭欽

景泰元年貢任河南孟縣知縣

張晟

景泰三年貢任浙江嘉興縣知縣

李膺

景泰五年貢冠帶榮身

石慶

朱廉

景泰七年貢任直隸當塗縣主簿

葛榮

天順二年貢任國子監典簿三載授勅命進階脩職佐郎秩滿陞河南裕州

判官

宋安

天順四年貢任大寧前衛經歷改寬河衛經歷三載授勅命進階徵仕郎秩

滿陞兩淮都轉運鹽使司判官

王信

天順六年貢任直隸當塗縣主簿

劉順

天順六年應四十例貢任浙江衢州府照磨

孟儀

天順六年應四十例貢任直隸豐潤縣主簿

宋鑑

天順六年應四十例貢任浙江廣陽縣永寧巡檢陞河南儀封縣主簿

張謙

天順六年應四十例貢任倉副使

劉傑

天順六年應四十例貢任浙江松陽縣丞

鄒璠

天順八年貢

崔福 成化二年貢任直隸遵化縣丞

李明 成化八年貢任山西長子縣主簿

馬繪 成化十年貢任直隸遷安縣主簿

宋清 成化十二年貢任山西澤州學訓導

徐綸 成化十四年貢

張紀 成化十六年貢任山西蒲州學訓導

王璉 成化十八年貢任雲南賓川州吏目

孫瓚 成化二十年貢任雲南都司斷事司副
斷事

張信 成化二十二年貢任山西臨汾縣丞

郭朝 弘治元年貢任直隸新城縣學訓導

紀綸 弘治三年貢未仕而卒

李玘 弘治五年貢

張躍 弘治七年貢任浙江嚴州府經歷

吳賢 弘治九年貢任河南扶溝縣學訓導

張玉 弘治十年貢任山西按察司照磨

趙璽 弘治十一年例貢任直隸保定府學訓導

劉翔

弘治十二年貢任河南鈞州同知

王政

弘治十三年貢未仕而卒

姚珂

弘治十五年貢任光祿寺署丞

趙富

弘治十七年貢任山西隰州學訓導

張希騫

信之子正德元年貢任陝西紫陽縣知縣

徐環

正德五年貢任山西壺關縣主簿

李麒

珙之子正德七年貢任河南虞城縣學訓導

朱瑤

庶之子正德九年貢任直隸吳橋縣學教諭

紀存仁

存義兄正德十一年貢任河南息縣知縣

孫漢傑

正德十三年貢任山西都司都事

宋耕

瑛之後正德十五年貢任山西保德州同知

郭漳

鈺之子正德十六年貢任直隸栢鄉縣丞

王宣

嘉靖元年貢以山西都事冠帶榮身

劉襄

嘉靖二年貢任直隸新城縣丞

張泰

嘉靖三年貢任直隸歙縣主簿

張鷟

嘉靖五年貢任直隸邳州學訓導

劉佐

翔之子嘉靖七年貢任直隸盧龍縣知

李玫

嘉靖九年貢任直隸故城縣學訓導

傅汝舟

汝楫弟嘉靖十一年貢

孫克孝

嘉靖十二年貢

張季霖

崗之孫嘉靖十三年貢

王惟賓

正 璉之子嘉靖十五年貢任陝西乾州學

王懷義

嘉靖十七年貢

例貢



劉繼芳 未仕而卒

郭濛 鐘之子未仕而卒

劉鎬 任浙江平陽縣主簿

劉紹宗 任中城兵馬陞直隸真定府通判

紀存禮 存義弟未仕而卒

朱鴻儒 任代府奉祀

郭津 鈺之子任湖廣靖州衛吏目

徐志高 任直隸涿州吏目今陞直隸寶應縣主簿

雷時旺 任直隸武清縣主簿

祁松齡 士英子任河南中牟縣主簿陞山西壺關縣丞

紀鶚 存義子未仕而卒

祁彭齡 松齡兄

孔儒

紀鵠 鶚之弟

雷時澤

申九臯 宣之子未仕而卒

于朝臣

馮邦賢

左伸

傑之弟

祁九齡

彭齡弟

劉陳可

劉陳謨

紹宗子

張貞甫

信之孫

張應昌

許官

于士鯤

隱逸



穴

王有開 自號歷亭野老才學有餘隱居不仕教授鄉里子弟人皆稱慕之

元

張汝卿 號澹齋家饒裕不仕好蓄經史編其堂曰萬卷立文會齋于堂之右四方賢士

有來假閱其書者則館于其齋詔旌其門

孝義

元

王致微 父士元知濬州賊逼城其父顧曰吾守臣不可避汝其避之致微侍立不忍去

賊竝殺之時人以爲孝子

魏德寶 字進卿輕財尚義儉以處家豐於事神年八十雙目炯如行步不衰教子以義

方鄉人咸重之中書左丞王茂持詔立石門以旌之曰義士今廢

國朝

王弘 父卒廬于墓成化間母又卒亦廬于墓日躬自舂土三年積高墳臺一座 詔旌其

門今廢

宋曰智 父早卒嘉靖十三年母年八十餘而卒既襄事智遂廬于墓酒葷不入口三年

日躬自裡土築高墳臺一座

張甫林

正統五年援例輸粟一千石
賑濟勅旌為義民復其家

傅友直

正統五年援例輸粟一千石
賑濟勅旌為義民復其家

舊志載隋竇建德解牛助喪以為義按史大業

七年建德起兵據河北自立為長樂王更國號

曰夏改元五鳳後為唐太宗攻執被誅今故削

之弗載

貞烈

元魏

房愛親妻崔氏

主嚴明歷覽書傳多所聞知授
子景伯等經義學行脩明並為

當世名士景伯為清河太守每有疑獄常先請
馬貝丘婦人列子不孝吏欲案之景伯入白其
母母曰小人未見禮教何足責哉但呼其母來
吾與之同居其子置諸左右今見汝事吾或應
自改景伯遂召其母崔氏處之於榻與之共食
景伯為之温清其子侍立堂下未及旬日母子
叩頭涕泣乞歸後果以
孝聞其識度勵物如此

隋

鄭善果母崔氏

年十三出適鄭誠生善果既而
誠亡於陣崔年二十抱善果守

節自誓死不他適朝廷以誠死王事拜善果為
持節大將軍尋為魯郡太守每出廳政崔母恒

於屏後察之聞其剖斷合理歸則大悅若行事不當或妄嗔怒崔氏還堂蒙被而泣戒諭甚切後崔卒善果為大理卿以無母教遂漸驕恣

趙元楷妻崔氏元楷携崔過長安至滄口遇盜欲汚之崔持刀大罵賊大怒亂射殺之元楷後得殺妻者支解之以祭崔氏之柩

元楷僅以身免崔氏為賊所拘

宋

趙氏父嘗以學聞舉賊王則反聞趙有殊色使人劫致欲為妻趙號泣嫚罵求死賊愛其色不殺使人守之趙給之曰必欲妻我宜擇日以禮聘我則從之使歸其家人懼其殞得禍于賊益使人守之後賊果具幣乘輿來迎趙涕泣登輿而去至廨舉簾視之已自縊於輿中矣

趙氏

國朝

張安住妻王氏婦畢氏洪武十三年夫卒王誓不再適孝養翁姑撫幼

子緣由長聚畢氏畢亦早寡守節如姑誰曰雙節復其家

郭鈺妻馬氏妻李氏夫登成化甲辰進士卒于京以清節自勵撫二孤子

教以讀書俱成立而宦遊年皆八十餘而卒鄉人至今稱之

張鳳妻劉氏成化間年二十五而孀懇勸以教子長子春早逝教次子泰成立為

歙縣主簿劉孀居五十餘年而卒終始無玷云

張經妻易氏成化間年十六而嫁二十六而夫卒時有貴顯者聞其色欲奪其志

終不可得守五十餘年而終

程本妻郭氏

成化間年二十餘而孀絕無男女亦無土田以紡織自養至今八十

餘齡其清苦自勵如此

李軻妻于氏

成化間夫卒年方二十餘謹飭閨門不妄言笑有求其嫁者即叱之

守節五十餘年而卒

李資妻孫氏

弘治元年隨夫承差往遼東夫以公務卒于錦州孫聞訃即觸墻而

死 詔旌其門曰貞烈

生員王家相妻劉氏

正德間夫卒誓不嫁欲事姑以終身又八月姑亦卒

劉適太息曰夫既死姑又死吾何以生為遂自縊有司具其事以聞

于氏女

名小四姐嘉靖十年父許岳天衢未合壻而夫卒父剛欲改嫁之女不從自縊

按全唐詩話貝州宋廷芬生五女皆警慧善屬

文長若莘次若照若倫若憲若荀若照尤高皆

性素潔鄙蕩澤觀粧不願歸人欲以學名家家

亦不欲與寒鄉凡裔為姻對正元中昭義節度

使李抱真表其才德宗詔入禁中試文章拜問

經史大義帝咨美悉留宮中帝能詩每與侍臣

賡和五人者皆預又高其風標不以妾侍命之
呼學士自正元七年秘禁圖籍詔若華總領元
和末卒後穆宗拜若照尚宮嗣其秩歷穆敬文
三朝皆呼先生若憲文宗特以讒死倫苟早卒
吁此亦文中之傑然者因竝附之於貞烈

封爵

國朝

郭宗賢以子麟貴贈戶科給事中

郭麟僉事以子鏗貴進階奉政大夫脩政庶尹
累贈都察院右僉都御史

董雲以子琦貴贈南京刑部河南司員外郎

劉鍾以子紹宗貴贈中城兵馬

左達以子傑貴封承德郎戶部浙江司主事續
封奉直大夫工部營繕司員外郎

石達以子遷高貴贈工科給事中

宋禮以子安貴贈經歷

王昇以子琮貴贈經歷

壽官

國朝

王安

趙明

王傑

景之父

馬釗

程富

姚夔

王宣

許五

郭昊

俱遇恩八十以上冠帶榮身

鄉耆

孔安

儒之父

閔閭

田聰

孔陽父

蕭強

馬端

張希軻

貞甫父

趙良傳

曲山

馬克仁

閻讓

劉紹聰

陳可父



王臻

范盛

董節

王士智

俱遇縣庠鄉飲

鼓

曲山

國朝

榮

貞甫父

田

韓

李

閻

程

韓

恩縣志卷之六

終

八十八歲帶榮良



恩縣志卷之七

官守志

宦蹟 職官
官名

左傳曰太上立德其次立功其次立言此之謂
不朽夫自上世以迄於今守吾郡令吾邑有德
以經世功以保民言以宣化者迺可以傳不朽
是宜詳而紀之以示勸也至於職官無可考者
缺之有可考者述之以示制也迺以官名無分
淑慝而竝冊書不幾於無別乎蓋存名將以求



實則後之人見其無可傳必有指而斥之者矣
存之將不可以示戒乎因金記之析其目為三
作官守志

宦蹟

晉

王覽

琅邪臨沂人武帝時應本郡召遷司徒西
曹掾清河太守有治行累官光祿大夫

南北朝

曹世表

魏郡人北魏延昌中除清河內史治官
省約百姓安之

楊稅

天水冀人北魏熙平中除清河內史方直
明斷世有能名

杜纂

常山九門人北魏肅宗初拜清河內史問
民疾苦勤督農桑吊死問生甚有恩紀後

遷平陽太守清河人頌纂
德政乞重臨郡詔許之

房景伯

清河繹幕人仕北魏初為齊州輔國長
史政存寬簡百姓安之後除清河太守

郡民劉簡虎曾失禮於景伯聞其臨郡闔家逃
亡景伯督捕之即署其子為西曹掾命諭山賊
賊以景伯不念舊惡一時俱下論者稱之將代
郡民表訴乞留復加二載

裴讓

北齊清河太守至郡期月姦吏斂跡盜
賊清靖有二姦吏脅取人財讓之惡其

亂法
殺之

蘇瓊

武強人仕北齊為清河太守郡多盜及瓊至民吏肅然姦盜止息性清慎不發私書

饋遺瓜果一無所受有百姓乙晉明兄弟爭田瓊以兄弟至情諭之遂還同居又每年春集生儒講於郡庠郡吏文案之暇悉令受書在郡六年民庶懷之

宋世良

介休人仕北齊為清河太守東南有曲堤成公一姓阻而居之群盜多萃于此

人為之語曰寧度東吳會稽不歷成公曲堤世良施八條之制盜穽他境又謠曰曲堤雖險賊何益但有宋公有屏蹟獄內穰生桃樹蓬蒿亦滿醴泉出于界內及代去傾城祖道泣送之

辛術

仕北齊為清河太守政有能名遭父憂去職父老數百入上書請立碑頌德

隋

楊善會

弘農華陰人大業中為鄆令以清正聞會山東盜起善會逐捕皆克後賊帥張

金稱屠掠城邑郡縣莫能禦善會屢戰皆破之擢拜郡丞金稱既滅進拜清河通守後為賈達德所敗欲降之不屈遇害

庫狄士文

開皇初貝州刺史性清苦不受公科僮僕無敢出門政令嚴肅道不拾遺

郭孝恪

許州陽翟人少有節常為貝州刺史有能名

唐

戴元祥

高祖時為貝州刺史劉黑闥陷鄆縣元祥死之

許善護

高祖時為貝州刺史與劉黑闥戰於鄆縣死之

宋璟 邢州南和人中宗時檢校貝州刺史政清
毅吏下無敢犯者時河北水歲大饑武三

思使歛封租璟拒
不與故為所擠

李愷 并州文水人天寶初除清河太守舉美政
遷廣陵長吏民為立祠

五代

張源德 梁末帝時為貝州守將時郡邑皆歸晉
獨源德堅守不從久之城中食盡或勸

出降不
從死之

周審玉 淳化中知貝州有驍健卒戍州者三十
餘人謀劫庫兵而叛推虞侯趙成雍為

首審玉覺之與轉運使王嗣宗率兵悉擒之磔
成雍於市

宋

安忠 洛陽人太宗時知貝州有劇賊久為民患
忠捕之悉獲

柴禹錫 大名入真宗時知貝州契丹兵嘗奄至
城下禹錫內嚴備禦民賴無虞寇尋引

去

王信 太原人仁宗時王則反安撫使明鎬奏為
貝州都總管城破則遣信率兵執則餘黨

悉
平

董元亨 東鹿人仁宗時通判貝州王則據城叛
元亨方坐廳事賊排闥而入脅元亨索

軍資庫鑰元亨叱之曰妖賊迺敢弄兵乎我有
死耳鑰不可得也賊索愈急元亨厲聲罵賊遂

遇害贈大常少卿

王賓 許州人太宗時為河北水陸轉運監使貝州兵屯無壁壘分寓邸肆賓選隙地築舍

千二百餘以處之優詔褒美

文彥博 汾州介休人仁宗時貝州王則叛彥博以參知政事為河北宣撫使討平之

按賓彥博一為河北轉運使一為河北宣撫使

雖未仕於恩而政蹟迺著於恩故金紀之於宦

蹟

金

王廷筠

河東人世宗時為恩州軍事判官臨政有聲郡民鄒四謀為不軌事覺逮捕千

餘人鄒四竄匿不能得廷筠以計獲之分別誅誤坐預謀者十二人調館陶主簿

元

張好古

晉亨子中統初為恩州刺史訪民瘼革吏弊立為條約民甚便之

耶律伯堅

桓州人世祖時為恩州同知有循良之政民親戴之凡賦役有重輒曰寧

得罪於上不可得罪於下必力諍止之

郭仲彬

良鄉人為恩州達魯花赤教養有方民感其惠任滿民奏留卒于官遂家恩馬

國朝

堵昇 山陰人成化十一年以進士尹於恩律已

庶民稱之

李希哲 鄭州人成化末以進士除恩尹下車即

李泰 聞喜人弘治中以舉人尹於恩剛明廉介

張寧 大同人正德初以舉人除恩尹政尚嚴明

多有應驗尋陞濟寧知州去之日民卧轍哭泣留靴人追慕之

丁琰 曲沃人天順四年為恩庠教諭教法嚴明

林宗重 莆田人成化中以舉人除恩庠教諭學

多秩滿陞平

度州同知去

職官

漢

郡守

郡丞

長史司馬

郡尉

景帝中元年更郡守曰太守郡尉曰都尉中興

仍西漢三國及南北朝因之晉郡守加將軍後

魏郡置三太守

隋

郡守

別駕

長史司馬

郡尉

唐

刺史

別駕

長史

司馬

錄事參軍錄事

司功

司倉

司戶

司田

司兵

司法

司士

參軍事

市令

丞

文學

醫學博士

武德元年改太守曰刺史加使持節丞曰別駕

高宗即位改別駕為長史上元二年復置別駕

永隆元年省永淳元年復置天寶元年改刺史

曰太守八載廢別駕郡置長史一人上元二年

復置別駕

宋

權知軍州事

通判

長史

推官 以上俱山堂考索

金

刺史 軍事判官 餘無考

元

達魯花赤 刺史 同知 餘無考

國朝

知縣 一員 縣丞 二員 弘治間去其一

主簿 二員 一管縣治 一管河道 典史 一員

儒學教諭 一員 訓導 二員

太平驛驛丞 一員 陰陽學訓術 一員

醫學訓科 一員 僧會司僧會 一員

官名

漢

都尉

馮遂 成帝時任言浚屯氏河以泄暴水不能用

唐



司法參軍

李楚金 貞元年任有志見文章

國朝

知縣

王廷美 洪武十一年任

劉睿 直隸饒陽縣人由歲貢後陞兩淮都轉運鹽使司判官

馮好學 正統五年任

陳俊 河南祥符縣人由歲貢正統中任

李翔 由監生天順元年任

周恪 成化二年任

王偉 直隸江都縣人由歲貢成化六年任

堵昇 錦衣衛籍由進士成化十一年任見宦蹟

李希哲 河南鄭州人由進士成化二十二年任見宦蹟

李泰 山西聞喜縣人由舉人弘治十二年任見宦蹟

張寧 山西大同府人由舉人正德二年任見宦蹟

崔錦 由監生正德五年任



潭溥

直隸獻縣人由例貢正德六年任

汪謙

直隸祁門縣人由舉人正德八年任

朱文英

河南中牟縣人由歲貢正德十四年任

崔雲

直隸南陵縣人由舉人嘉靖元年任

詹求

河南睢州人由舉人嘉靖四年任

呂應祥

直隸雄縣人由舉人嘉靖八年任陞高唐州知州今陞陝西西安府同知

何求

直隸盧龍縣人由例貢嘉靖十三年任

杜求昌

河南洛陽縣人由舉人嘉靖十四年任

縣丞

申範

由歲貢洪武七年任創建之功居多

劉中

河南孟津縣人由進士洪武四年任

周瑀

直隸盧龍縣人由歲貢永樂四年任

瑣愷

宣德六年任

楊榮

河南新鄭縣人由歲貢景泰元年任

楊清

河南永寧縣人由監生天順二年任

高安

湖廣澧州人由歲貢成化二年任後陞太興縣知縣

李傑

山西高平縣人由歲貢成化十四年任

盛桓

山西大同府人由歲貢弘治十二年任

侯相

山西臨汾縣人由歲貢弘治十八年任

陳瀾

直隸深州人由歲貢正德元年任

趙壽

陝西壽州人由歲貢正德十年任

張居仁

山西稷山縣人由歲貢嘉靖元年任

王琦

山西臨晉縣人由歲貢嘉靖五年任

周廷誨

陝西大寧都司人由歲貢嘉靖九年任

趙福

直隸豐潤縣人由歲貢嘉靖十一年任

梁錦

直隸安州人由歲貢嘉靖十四年任

陳本忠

浙江會稽縣人由吏員嘉靖十六年任

主簿

黃常源

由歲貢洪武三年任

張悅

湖廣襄陽縣人由例貢天順三年任

羅幃

成化十年任

于安

弘治十三年任

焦謙

弘治十三年任

李世昌

陝西邠州人由例貢正德三年任

張璣

陝西階州人由歲貢

許珪


陝西華陰縣人由歲貢

王佑

陝西蒲城縣人由吏員

張廷佐

山西猗氏縣人由歲貢



葉藩

直隸唐山縣人由例貢

吳縉

山西武鄉縣人由吏員

姚覽

由歲貢

張汝舟

直隸文安縣人由例貢嘉靖七年任

馬泰

直隸鹽山縣人由承差嘉靖十三年任

范錦

山西繁峙縣人由歲貢嘉靖十三年任

曹登雲

山西猗氏縣人由歲貢嘉靖十四年任

高文光

山西繁峙縣人由例貢嘉靖十五年任

李時榮

陝西邠州人由歲貢嘉靖十六年任

鄭顯元

山西長子縣人由例貢嘉靖十七年任

秦典史



袁庸

直隸肅寧縣人
未樂元年任

王恕

河南邙縣人
天順四年任

趙孟宰

陝西乾州人
正德五年任

房元

直隸任丘縣人
正德十一年任

姚顯

直隸鳳陽府人
正德十六年任

何有愷

湖廣桂陽縣人
嘉靖九年任

張春

直隸盧龍縣人
嘉靖十一年任

沈

璿

直隸華亭縣人
嘉靖十五年任

教諭

謝昇

直隸常熟縣人
景泰七年任

丁琰

山西曲沃縣人
天順四年任
見宦蹟

任倫

直隸徐州人由歲貢成化十年任

林宗童

福建莆田縣人由舉人成化中任見宦蹟

時相

河南通許縣人由舉人弘治中任

盧傳

浙江鄞縣人由舉人正德三年任

李大方

陝西環縣人由舉人正德七年任

趙淳

直隸鷄澤縣人由歲貢正德十四年任

柴廷相

河南汲縣人由歲貢嘉靖八年任

楊琦

浙江龍游縣人由歲貢嘉靖十七年任

訓導

甘溥

直隸穎榆縣人由舉人景泰初任

朱選

江西泰和縣人由儒士天順元年任

徐紀 浙江仁和县人由歲貢成化元年任

龔天錫 直隸崇明縣人由歲貢成化十六年任
秩滿陞 徽府紀善

熊欽 江西廬陵縣人由舉人弘治初任陞河
南確山縣學教諭

楊翔 江西鄱陽縣人由舉人弘治中任後陞
湖廣靖州知州

龔勉 直隸滄州人由歲貢弘治中任

吳欽 福建邵武府人由歲貢弘治中任後陞
樂陵縣學教諭

李浩 直隸開州人由歲貢正德四年任後陞
山西萬泉縣學教諭

張紳 直隸藁城縣人由歲貢正德七年任後
陞館陶縣學教諭

趙良臣 直隸滑縣人由歲貢正德十年任

鄭三德 福建莆田縣人由舉人嘉靖元年任後
陞南京國子監助教

管明 直隸宿遷縣人由歲貢嘉靖五年任後
陞河南夏邑縣學教諭

郭瑩 直隸平鄉縣人由歲貢嘉靖五年任後
陞丘縣學教諭

張勤 河南歸德州人由歲貢嘉靖六年任

李昆 由歲貢嘉靖七年任

栗鉞 直隸南和縣人由歲貢嘉靖十一年任

禹萬 河南泌陽縣人由歲貢嘉靖十二年任

劉璣

湖廣辰州府人由選貢嘉靖十四年任學行優長未幾丁內艱去

何忠蓋

江西建昌縣人由歲貢嘉靖十七年任

梁忠亨

河南裕州人由歲貢嘉靖十七年任

太平驛驛丞

劉士奇

福建福安縣人

黃仕偉

湖廣長沙府人

彭大有

湖廣巴陵縣人

宋文湘

張印

貴州蠻夷長官司人

張腋

貴州印江縣人

全佑

江西南昌縣人

陳表

福建閩縣人

宋文

貴州中江人

張

貴州懷遠人

黃

貴州懷遠人

陰陽學訓術

文籍入

張政

文籍入

姚宗海

文籍入

張汶

崗之子

醫學訓科

郭平

澧之弟

紀鵬

存仁子

紀鶴

鵬之弟



僧會司僧會

行清

正添

正真

廣濬

恩縣志卷之七 終

恩縣志卷之八

太學生邑人張季霖纂條脩
知恩縣事洛陽杜永昌校刊

文章志

文類
詩類

文章可以觀世道有治世之文有衰世之文有
亂世之文治世之文以道鳴衰世之文以句豪
亂世之文以術雄是故觀風者考焉恩自唐宋
以及於今誌銘記傳序詩之類迺亦未暇去取



而備載諸志亦可以爲觀世之徵矣因析其目
爲二作文章志

文類

墓誌銘

唐

故幽州節度判官贈給事中清河張君墓誌銘

韓文公

張君名徹字某以進士累官至范陽府監察御

史長慶元年今牛宰相爲御史中丞奏君名迹
中御史選詔卽以爲御史其府惜不敢留遣之
而密奏幽州將父子繼續不廷選且久今新收
臣又始至孤怯須強佐乃濟發半道有詔以君
還之仍遷殿中侍御史加賜朱衣銀魚至數日
軍亂怨其府從事蓋殺之而囚其帥且相約張
御史長者毋侮辱轢蹙我事無庸殺置之帥所
居月餘聞有中貴人自京師至君謂其帥公無

負此土人上使至可因請見自辯幸得脫免歸
卽推門求出守者以告其魁魁與其徒皆駭曰
必張御史張御史忠義必爲其帥告此餘人不
如遷之別館卽與衆出君君出門罵衆曰汝何
敢反前日吳元濟斬東市昨日李師道斬於軍
中同惡者父母妻子皆屠死肉餒狗鼠鴟鴞汝
何敢反汝何敢反行且罵衆畏惡其言不忍聞
且虞生變卽擊君以死君抵死不絕罵衆皆

曰義士義士或收瘞之以俟事聞天子壯之贈
給事中其友侯雲長佐鄆使請於其帥馬僕射
爲之選於軍中得故與君相知張恭李元實者
使以幣請之范陽范陽人義而歸之以聞詔所
在給船輦傳歸其家賜錢物以葬長慶四年四
月某日其妻子以君之喪葬于某州某所君弟
復亦進士佐汴宋得疾變易喪心驚惑不常君

得閒卽自視衣褲薄厚節時其飲食而七筭進

養之禁其家無敢高語出聲醫餌之藥其物多
空青雄黃諸竒怪物劑錢至十數萬營治勤劇
皆自君手不假之人家貧妻子常有飢色祖某
某官父某某官妻韓氏禮部郎中某之孫汴州
開封尉某之女於余爲叔父孫女君常從余學
選於諸生而嫁與之孝順祇脩群女效其所爲
男若干人曰某女子曰某銘曰

嗚呼徹也世慕顧以行子揭揭也噓暗以生爲
子獨割也爲彼不清作玉雪也仁義以爲兵用
不缺折也知死不失名得猛厲也自申于闇明
莫之奪也我銘以貞之不肖者之坦也

故貝州司法叅軍李君墓誌

韓文公

貞元十七年九月丁卯隴西李翺合葬其皇祖
考貝州司法叅軍楚金皇祖妣清河崔氏夫人
于汴州開封縣某里昌黎韓愈紀其世著其德
行以識其葬其世曰由梁武昭王六世至司空

司空之後二世為刺史清淵侯由侯至于貝州
凡五世其德行曰事其兄如事其父其行不敢
有出焉其夫人事其妣如事其姑其於家不敢
有專焉其在貝州其刺史不悅於民將去官民
相率謹譁手瓦石胥其出擊之刺史匿不敢出
州縣吏由別駕以下不敢禁司法君奮曰是何
敢爾屬小吏百餘人持兵仗以出立木而署之
曰刺史出民有敢觀者殺之木下民間皆驚相
告散去後刺史至加擢任貝州由是大理其葬
曰翽既遷貝州君之喪于貝州殯于開封遂遷
夫人之喪于楚州八月辛亥至于開封壙于丁
巳墳於九月辛酉寔于丁卯人謂李氏世家也
侯之後五世仕不遂蘊必發其起而大乎四十
年而其兄之子衡始至戶部侍郎君之子四人
官又卑翽其孫也有道而甚文固於是乎在

宋

故贈衛尉少卿孟公墓誌銘

瀛州防禦推官
楊詡撰

公諱克從字審言甘陵東陽人也姓孟氏本魯公族孟懿之後世多以儒學顯亞聖大賢軻漢博士喜唐尚書簡審公之先也五代離亂公之曾高養志隱遯逮公之祖諱濬始應神童舉聰悟有名於時神童之子曰誨字量恢廓風議挺特侷儻豪俠人多畏之愛慕之誨生二子長諱慶次卽公也惇仁好義性識聰明學專春秋兼通公穀左氏之傳至於陰陽方論無不洞達探賾淵蘊而見於用事父母以孝聞事兄以悌撫下以恩聞門百口雍睦之譽聞於內外訓子孫以詩書擇賢師良友與之共處歷歲孜孜未嘗脩起家素富有不求多藏厚積未嘗問有無而惟好施與或有不得其所而窮困與夫疾病者則用粟帛以拯濟之醫藥以救治之居人遠近

無不獲其惠澤君子長者之德藹然著聞嗚呼
可謂賢矣使其位于朝功烈見于天下其可量
耶以康定元年五月十一日終於家享年七十
以子貴仁宗英宗今上朝疏恩累贈衛尉少卿
娶孫氏後公十有六年而卒享壽八十三而追
封富春縣太君生二子長曰澤不仕先公卒次
曰規以明經擢第見任虞部郎中歷仕以才能
進嘗為大理丞獻議詳明屢平反疑獄天下自

以不寃及為郡守寬明而善斷先德化而後刑
辟獎進良善竄殛姦惡所至而治所去見思議
謂兩漢循吏無以加焉皆公之教也積德之所
致也易曰積善之家必有余慶其斯之謂與文
一人適工部郎中董方孫七人曰宗傑慶曆四
年冬卒曰宗誼熙寧二年夏卒曰宗諒登仕路
有才幹見任青州博興縣尉曰宗師應進士舉
嘗預恩州貢士之例以恩補太廟齋郎熙寧四

年春卒曰琳應進士舉嘗預國舉薦名兩被平
原郡高選曰琪曰瓌治經深通義理孫女三人
長早卒次適前泗州司戶參軍楊詠次適前興
州順政縣尉劉弁重孫二十八人曰公彥曰公
綽曰公諤曰公裕曰唐卿曰公著曰正卿曰冠
卿曰晉卿曰周卿曰獻卿曰漢卿曰貞卿曰雅
卿曰惠卿曰端卿皆應明經舉曰公孺曰公謹
曰公幹曰虞卿早卒玄孫六人皆幼後三十五

年歲次甲寅皇宋熙寧七年秋九月一日丙申
嗣子奉公與孫夫人同葬於恩州歷亭縣平樂
鄉德化里詔先人金部與王無氏世契內連姻婭
知之最詳爲之銘曰

安仁篤義性名而賢五福斯備百行斯全有陰
德者必享報焉慶貽後世盛大綿綿

國朝

故雲南按察司僉事前中憲大夫巡撫遼東贊

理軍務都察院右僉都御史郭公墓誌銘

山東提學副使邵賢撰

郭公子聲以雲南按察司僉事致仕家居又四年以疾卒於正寢寔弘治庚申七月十日也其子楚述公行實衰經踵余泣具言曰吾父不幸見背矣惟吾子與吾父雅厚吾父惟斯時與余共杖淚以銘筆請吾父意在吾子為之書言者三楚今忍死為吾父墓礮石具矣願施一言可乎

余自釋褐筮仕卽辱公知後與公俱以罪相繼謫蜀入滇往還仕途久辱通家今又忝職斯土每至恩視學必過公公雖疾未嘗不出迓與談夙昔握手虛戲語及邊戎輒又慷慨歌呼矍然有據鞍之意蓋公平日以節義自許見知已輒為之相忘余與公辱愛誠厚矣矧斯銘遺言在余安忍負公使公不瞑耶按狀公諱鏗子聲其字也郭氏之先世為燕人在勝國時有諱某者

仕爲斷事官徙居大興府良鄉之三家店郭氏
丘隴在焉曾祖仲彬爲元恩州達魯花赤任滿
當代去恩民感其惠而留之遂占籍於恩祖諱
宗賢贈戶科給事中妣王氏贈宜人父麟
國朝末樂甲午以禮經魁闈授戶科給事中歷浙江
陝西二按察司僉事爲人剛明仁恕有隱德所
至有異政後以子聲貴

朝廷推恩累贈中憲大夫都察院右僉都御史前母
張氏母李氏皆累贈恭人公生有異徵童稚時
體貌魁傑視瞻匪常教以經史卽知大義十歲
失怙李恭人性嚴厲公每下幃夜誦李必執女
紅以臨之公亦痛自刮削攻苦食淡肆力於學
成化乙酉以書經領鄉薦丙戌登進士第擢兵
科給事中在縉紳間蹇蹇噩噩知無不言言皆
剴切庚寅春

憲宗皇帝郊祀甘露降時大臣有欲率百工稱賀者

公上疏力陳以爲河南近奏地震今甘露降祥
災祥互見此天心仁愛正人君脩省恐懼之時
也宜求直言誅諂諛以應天戒疏上
詔嘉納之壬辰河湟兵弗解公奉

命往經畧之周歷三邊博采群議抑權幸之撓法罪
師律之失紀兵將之弗稱者悉易置之河湟以
寧事竣復陳備邊便益三十餘事

上皆俞允癸巳彗星見疏陳三事開言路以決壅蔽
正宮闈以廣儲嗣去異端以正人心皆切於時

政

上特允其奏命中臣慰諭之戊戌轉都給事中尋陞
通政司右叅議庚子陞右僉都御史巡撫宣府
公至嚴紀律整部伍懲貪猾凡八閱月遠近翕
然辛丑改巡撫大同首劾副總兵朱鑑等蒙蔽
欺罔及舉都督宋澄等智勇堪任又奏置朔州
平虜城宣寧等六堡以備捍禦邊人至今賴之

壬寅三載考績

誥進中憲大夫推

恩考妣癸卯春中官有憑寵竊權者公上疏劾其不法五事而斥之中外稱快是冬北虜舉衆犯順公與守臣出兵拒之柰何中臣裨將麾下競出邀功倉卒失利被圍公復統所部出奇擊之圍解俘獲甚多

上特降勅獎勵九月

上遣保國公朱求統兵勦賊復

勅公贊理軍務既克捷

賜衣一襲白金十兩甲辰改巡撫遼東被

命而言事者論公在大同失機隱匿坐落職出知四川射洪縣公雖坐謫居之裕如幾微不見於顏面日惟訪民疾苦脩廢舉墜先是邑民惑於鬼誣不置譙鼓不設犴獄公乃殺牲爲文以祀土神置更鼓以麗譙設囹圄以恤罪通衢立集以

便交易鑿石為城以嚴保障脩預備倉以備旱
澇新先賢陳子昂祠以勵後學邑之庶政秩然
振舉而蜀中稱善治者以射洪為首焉庚戌以
鎮巡重臣文章上薦陞雲南憲司僉事時木邦
孟定相讐公深入撫之復督脩大羅城又居夷
地瘴癘所感遂作痰疾而公浩然上疏乞歸丙
辰得

旨允北還日惟訓子姪耕讀以詩酒自娛雖恬淡自

樂以就醫藥然宿疾已痼竟不能起嗚呼痛哉

公為人聞朝軒懿節槩斬然居常自重不苟取

與博學洽聞其為文古雅謹嚴其書行草學二

王真學魯公尤喜吟作甚古健五言清妙瑩淨

駸駸乎可窺陶謝之門尤好讀太公孫武子兵

法暇則游於騎射之事最精且妙援弓應的雖

老於戎務者不及也故識者咸以為文武材焉

性尤孝友事李恭人曲順其情恭人嘗怒痛撻

之瘡血成癥後居官捫之輒哭曰非吾母不得
至今日也與其弟子美處若朋友自少及長無
反稽語嘗語子美曰我性緩汝性急可取弦索
名其居以自警庶幾變氣質以歸於中也因自
號曰弦庵子美登甲辰進士忽以暴疾卒公在
蜀聞訃嘔血幾不救居常言及子美輒涕淚交
下蓋其親親之恩天性然也其在諫垣凡十年
知無不言言無不盡故當時中官竊柄大臣弄
法者多見劾斥免嘗抗疏危言屢日未得

旨僚友亦爲之惶懼而公神色自若曰忠言獲譴固
其所也荷

主上仁聖決無他虞旣而果得

俞旨其在宣府大同遼東三鎮所至抑奸豪剗宿弊
威令振肅而兵民每懷其德如父母然其在蜀
爲令五年射洪遂寧二邑之民思之至有畫像
事之者嗚呼若公者磊落不羈隨其用之大小

而隨試輒効真亦經世之材矣而其位方起卽
仆未究其施蓋天將嗇其身而豐其後也耶公
生於正統戊午十二月十一日至是得壽六十
有三先娶劉氏早卒無出繼娶張氏先公五年
卒俱封恭人子男五人長曰潞前錦衣衛副千
戶次卽澆次泮次濂次潼澆濂潼俱邑庠生泮
醫學訓科女七長適曹縣知縣閻宇次適濬府
知府周東次適戶部員外張定餘皆在室孫男

三孫女六澆等將以是歲十月初一日卜宅于
邑之四女樹店東先壠之次與劉氏張氏合葬
焉銘曰

天生俊髦萬夫一人人之逢時有屈有伸屈伸
通塞曰義與命君子安之人勝天定噫嗟郭公
偉器夙成朝之羽翼國之干城入居諫垣危言
犯顏出鎮邊陲力摧勅完佐治引裾子儀免胄
直木先伐古傳謂之巧言讒說舜則威之射洪

之謫鳳棘乃淹公如真鋼愈煉愈堅亦如干鏑
愈磨愈銛興廢舉敝撫疾扶顛麗譙留市群疑
釋然善治升聞恩雨斯濺載遷念憲獨守風裁
廟堂樞筦輿望攸歸勇流急退條然拂衣蘭桂
滿前桑梓具在令德考終俯仰無悔爾積既厚
歛而未施爾后克昌惟理之宜蒼蒼高原瀑水
之湫文言鑿石慰爾孫子褒忠顯功國則有史
故處士朱公配毛孺人合葬墓誌銘

太子洗馬
滕霄撰

處士以弘治庚戌卒葬山東恩縣一園洞子頭
後三十有一年正德辛巳配毛孺人乃卒于是
中子勝為中軍都督府都事將奉母柩山東合
公窆焉先是奉行人戴君繼先著狀請霄銘諸
幽室霄於勝同生京師少同事工部侍郎林齋
夏公受易知最深不獲辭也按公諱剛姓朱氏
別號濟和翁恩縣人父昇永樂時以戍來北宣
德中以功為小旗再選充勇士始家京師母段

氏公謹愿端重誠信不欺稍長卽從賈游居市
闌口不二價與人無分爭卽犯之亦多事含容
夙興夜寐勤瘁自甘諸治家事儉節簡約無與
爲比故歲用大售漸致殷羨矣尤不事廢居居
邑以射利故人益信之人或稱其富則愀然孫
辟布衣糲食終其身惟教資給之乃弗計費卒
年六十孺人亦同公邑人貞靜有婦道凡處士
勤儉必上下與俱有義舉輒從擁公處士沒家

事多自裁決中子勝為諸生尤朝夕勸勉之勝
大奮志問學有時譽後生產寢落勝授徒以養
弘治辛酉勝登順天鄉薦屢試禮部弗利後以
母老謁選授華縣知縣再用為政濟源而孺人
皆奉之官其守儉約如昔故勝在官亦清苦承
母志勝入為中府都事奉母居廨舍居歲餘卒
年八十有九長子曰勇娶高氏勝娶楊氏女適
羽林千戶李鑑孫四人相林替棧女孫三人長

二人已歸縣學生張祿國學生郭寅其婿也會
孫五潤澮山計源曾孫女三人孺人葬以正德
十六年九月十三日銘曰
成厥家兮孰不爾藉成厥子兮孰不爾賢德之
儷兮其孰我儷終同歸兮豈重則年

記

元

漢昭烈皇帝廟祀碑記

禋院副使王士元撰



漢昭烈皇帝所與共興復王業者三人身都將
相任劉氏之安危者諸葛丞相也奮熊虎之威
提大兵臨大敵折衝禦侮者關荊州張闓中也
惟降年有脩短是以漢賊終於兩立王業安於
一隅使忠臣義士長嘆息流涕於千載之下豈
非天耶帝之平張魯也荊州東拒權北治操車
騎偕丞相向漢中及六飛蕩一岷劔則六車魚
鼈而許都議遷留營電轉而巴民後后以震華

夏之威釋顏嚴之義固將鯨吞六合翫操股掌
之間漢室清夷殆可指日而復奈何白衣之詐
行而江陵不守帳下之盜起而車騎云亡况虎
亭之仇耻未雪而永安之遺詔遽下使武侯紘
紘乎建興繼體之後雖有十倍曹丕之才亦將
若之何哉向使阿蒙之疾革於蕪湖萬人之率
會於武檐三后協心偕受顧命蓄銳養威歷年
之隙丞相總挈綱維荆閩分治閩政肆其策馬

刺良之武鼓行敗郤之捷敦漢之旗基布魚貫
鋒漢中繼陰平窳褒斜磴箕駱徑子午谷駐旆
關中以會群策則必踣秦阜鏖商洛大蹂灞澹
之野躋涇渭之川而涸之建瓴而東踰嶠函掀
汾晉撥幽冀之壤剗青徐充豫蕩而一之則蠢
茲群醜面縛之不暇乃諸腋宮溷銅雀臺插偽
高陵縷姦瞞之屍梟諸四裔殛賊丕并其子若
孫數歆懿達群之罪肆諸市朝懲荆揚之虜莫

敢不來王迎嗣皇帝還東國維奉祝冊以告先
廟曰逆賊操罪浮莽卓遺穢及不竊我神器惟
祖宗在天之靈丕已伏誅然後昭烈之志遂丞
相荆閩之功成跨有荆益之策驗而恩若兄弟
之義完不必用馬謖致敗街亭亦不必疑魏延
出陳倉不返也嗟夫事違人意天不與能則鼎
足之勢立而不敵芳懿得以梟鳴鵠張乎中土
豈高武宣光厭夫血食而垓下昆陽之績終不

得復耶嗚呼世變有古今人心忠義無古今昭
烈君臣廟祀偏九圍而操不遺種入典午氏所
餘無幾尚何享世之有且蜀漢之君臣生不獲
富有四海而百世之下福澤生民拯善殄惡無
物不賴其威靈則其廟祀之盛也固宜彼操丕
父子生而賊其君死而為虺域為蛇豕為魍魅
妖孽安能福吾民哉以今民俗觀之間里童稚
聚聽稗官之說一聞操勝則蹙頰不安者累日

及聞劉克而操負則悅怡忭躍如夢之醒如病
之疴其喜有不勝言者烏人心忠義越宇宙而
未嘗不同世之亂臣賊子借能狐媚竊弄於一
時而天下之誅炳如日星雖骨朽成塵亦無毫
髮之遁矣恩州民魏德寶及其子世榮皆有志
忠義者卽其居許官市之坎位廟祀昭烈之像
而以荆閔配祀之二十年析文而刻之石士元
旣以前史所遺者著為萬世忠義勸復為詩以

貽德寶世榮俾迎送饗神之際歌之其辭曰岷
嶽峯兮江漢茫皇靈刻刻兮敷下方憇吾肴兮
椒吾漿孔翠旋於兮駟玉虬以周章古天之孫
兮炎精燁煌霜旄霞鉞兮室有天狼掃蒼莽於
秦階兮於高有光鼎湖習其不漭兮紛總總兮
靈揚溢千祀兮溟或生桑耿吾衷兮曰篤不忘
明為聖之脩能兮幽脗合乎蒼蒼揮望舒以宣
夜兮樓羲和以昭陽節豐隆與飛廉兮曰汝無

邊無遑澍灑灑吾其播兮既耘穫其時陽竄蜀
媛兮繭闈統綉崇兮歲之穰何木魅與山鬼兮
掃跡八荒彼螟螣之埃壘兮胡能跳梁蘭棗桂
棟兮菊芳椒以成堂縣屏綺疏兮辛夷其楣約
其房惟日吉兮辰良瑤席玉璜兮宮之央絙瑟
兮抱鼓鐘虞井井兮磬亮錚錚望夫君兮菲菲
其芳青雲衣兮白霓裳靈皇皇兮既降衍子壇
兮馨予觴長吾劔兮陸離華吾鼓兮孔張離商
禦兮神龍驟思靈貺兮言未敢彰惟永世兮戴
皇靈於無疆

國朝

重脩漢昭烈皇帝廟記

都御史邑人郭鏗撰

縣治北故有漢昭烈皇帝廟志云元泰定三年
鄉民朱聚創建碑云至元三年魏德寶重脩而
以荆閩配之入

國朝來已降為關王廟歲月無所考也成化七年鄉

貢進士郭鈺據志考碑慨然有思以為由今言之固非創建之意由碑言之亦未有得也諸葛武侯心術出處功業較之荆閬何如至其魚水君臣亦與恩若兄弟不歎也而不得配祀廟庭豈非缺典歟乃率鄉人重脩之漆塑武侯仍進於荆閬之上既成昭烈居中冕旒帝服儼然有經營天下恢復中原之志武侯居東列儼然有宰割山河開濟兩朝之心西列荆閬其萬人之

勇刺類良釋顏嚴之英傑猶如生也鈺迺走書京畿為其兄鏜曰願為記之惟忠義之在人心未嘗泯也鏜於茲尤有感焉當其世代不常變故相尋天下之事泯沒於滄海桑田之間者何限獨此廟貌巋然尚存廢而復脩不假勸諭愚故謂忠義之在人心者未嘗泯也雖然漢祚兩絕中興之主前曰光武後曰昭烈光武之功不減於昭烈嚴光之為人亦彷彿乎武侯而其馮

鄧耿賈亦何異於關張也廟貌之脩何獨於昭
烈之君臣乎是亦有說焉蓋王莽曹操同為漢
賊天下之有忠義者共欲誅之光武春陵起兵
王莽漸臺授首天下之憤嘗時已洩矣然曹瞞
老死牆下昭烈安於一隅天下之憤至於今猶
未洩也天下之憤未洩故於此為洩之尊昭烈
所以惡曹瞞也由是觀之茲廟一日不毀則曹
瞞之誅一日猶在也然忠義之在人心萬古曷
嘗有窮已乎是為記

恩縣名宦鄉賢祠記

恩縣知縣南陵崔雲撰

事有礪世而起俗者觀其迹若駭究其實則宜
此當循其實不顧其迹政有觀感而相化者品
其時若泥驗其理則同此當顧其理不泥乎時
世有升有降而理未嘗不乘除其間古之聖君
賢相名儒碩輔林髦逸士文弁武胄有德有功
生或顯之困之之不同沒則祠而尸之特而祝

之非干釐而阿所好以其德與功當特而人函
其惠在後而人致其仰祀之所以崇而報之廟
之足以起俗而成化焉恩有學又矣名宦鄉賢
祠無聞焉殆缺之大者雲以此有司者責遂謀
諸教諭趙君司訓管君郭君得文廟東偏號前
舍故文昌祠圖而更新之然墮頽近半規制湫
溢因剗草鳩工築甬塞闕鱗瓦甃石神道南向
創其門為屋三楹祀路西向為門二扉合齋館

通衢而出入之週繚以垣蓋仍舊地而葺理之
財不告匱而民不勞焉于是考恩史采公論宦
於是者稽其遺烈得宋之文潞公彥博以其平
寇而衛民也北齊之辛公術以守土得民也五
代張公源德金之毛公佺以守死善道也吾
明宰是者有堵有李有張公寧以初立以廉慎而張
則民思之無斃教諭有林公宗重者雖無及人
政而前行有稱鄉之貞則稽其餘復得金之尚

書孫公鐸以剛正如魏徵也宋處士王有開以
學長而恬退也元司空庠王公士元取其造人
才守節不屈吾

明有都憲郭公鏜迹其政有稱而裔子守訓純也行
以實錄位以次叙祭以禮別事以義起不以顯
而升窮而抑宦取于政而行兼之所以勵遊於
斯者也賢取德或爵兼之所以勵生於斯者也
勲業如文潞公一總戎于此卽聲光不泯益知

公論在人足勵世而起俗也夫爲政而先之以
教古之道也雲未克竭稱後之君子宦於斯生
於斯未必無礪名節加振作而興起者焉

按記中所

遺名宦鄉賢甚多當
時失於考據故也

恩縣八蜡廟記

禮有八蜡之祀古昔聖人以義而起焉者事始
于堯浴于虞夏商周秦漢以下統紀不能無正
閏猶相傳延於祀者弗泯是蓋官民共祀理相

通而氣相感者理相通以之祭則順而祥也氣相感以之祭則愛而公也聖人揆諸理而制為崇本之禮緣乎義而秩為先後之序一曰先嗇以始事樹藝而智足方物為八者之主二曰司嗇因成法而職樹藝是次乎先嗇三曰農祀古之田畯四曰郵表啜田畯之所息五曰猫虎能祛鼠豕六曰坊以其蓄水亦以障水七曰庸以其瀦水亦以洩水八曰昆虫以螟蝗弗作俾稼

穡登是古之聖人知民生不可不粒食也故為樹藝樹藝不可不因乎人也故職以司嗇藝事不可不籍乎力也故取乎田畯游息不可不以其地也故表乎郵啜無所守衛則鼠豕害乎稼也故取乎猫虎無所節縮則水旱戾乎稼也故設乎坊庸年不順成或出於螟蝗弗作則仁矣故亦祀之是其功在天地法施于民至於御災捍患亦周且悉焉則萬物之所以成者神有以

相功于其幽民有以致力于其明神有以相功
于其幽則報之民有以致力于其明則勞之重
祀而弗貴犧敬實而不求華皮弁素服葛帶榛
杖歛豳頌袍土鼓蜡索萬物合而饗之所以示
歲功之終義至而仁盡焉然以保今歲之成者
此也祈來歲之稔者亦以此也聖人忠厚之道
不忘本之舉理氣之相通相感著祀如此恩有
八蜡祠在城東門外關內爰燬于災無復創建
主祀者率因陋就簡祀之期則旋就菁棚成禮
而南關外有五龍淫祠為不經雲廢之遷奉八
蜡神主為歲時報饗之地具由請于

巡撫都憲陳公郡太守葉公咸喜而勗之且增
以官帑辦祭儀時嘉靖改元二月也二年夏旱
甚相率禱於神卽雨是歲秋登異于鄰邑今年
夏旱亦禱於神自是雨四境沾足年屢順成雖
風塵鼠竊強梁禦人者屢發亦接踵獲焉覺神

於政多默相之謀諸僚屬及鄉士大夫者庶圖
新祠宇共樂成之因叙聖人所以立祀與今日
所以祀之之意勒諸珉使吾民知所以報本而
崇祀不可忽也因系以辭俾登降迎送歌以祀
之

鴻濛肇闕兮品彙罔僞民生啓欲兮衣食斯謀
於惟神兮與造化遊春日載陽兮易其田疇金
神告實兮西成惟秋疢癘殄兮民泯憂涸溢均

兮農功酌穎實殖兮黍稷穎稌兮種穆滿篝
兮汗邪滿載兮寰甌釋耒樂兮擊壤謳載脰腴
兮薦嘉休北陸移暄兮歲事云週感神功兮煦
育鄉孫載盆兮杜若浮丹鷄効潔兮明志沐髮
兮精脩禮容舉兮盤辟偃倭樂音諧兮啾緩夷
猶非鬼痢痲悟兮桃梗是投非招茅磔禳兮焚
蒿浪求惟神享吾禋兮錫惟求優

恩縣儒學科貢題名記

太僕寺少卿

甘陵孫緒撰

科目掄士非古也成周鄉舉里選自比長累升
於司馬始有進士之名夫進士迺出於鄉舉里
選則後世所謂科貢者本非二途也

國初用人未嘗拘拘於科目居端揆列省臺者恒十
四五焉文化既久人爭自淬勵迺至才不可勝
用遂專重科目士鵬飛鴻漸屈指以計郡邑歲
所貢者鱗次櫛比以進無敢或越需既久齒髮
俱暮例以冗員散職處之雖有宿學清才政績

又甚彰灼亦莫有一人爲明揚曰此偶一幸成
耳非能事事然也不然則曰此旣老矣雖升諸
公亦何能爲也至於科目士獨不然小善曲藝
衰疾放廢薦之惟恐後士失偶賢科則終身解
體

朝廷求賢之意乃欲使士之解體乎適者

廷議慎重選貢之典勿俯徇勿濫充勿拘歲年久近
務得真才以收實効以頡頑科名之士復

祖宗之舊以追蹤成周之盛天下士反觀於拔負而
深慶其遭際曰吾儕坎軻於彼庶表見於此乎
自是人廼不敢輕視歲貢士歲貢士亦不肯輕
以自視士風文教頓改舊規盛矣哉於時恩令
呂君應祥進諸生而告之曰是惟

聖天子立賢無方以名驅策天下者凡為臣子不可
不思所以體順充致之以無負於 德意禮筵
行贐既虔既厚是誠在我顧登科者薦試有錄

表宅有坊題名太學有記歲貢士猶若有歎焉
是猶有軒輊也吾欲勒石學宮大書歷年科貢
士以稔來者司馬公所謂正邪忠詐指名以議
科貢士均有責焉不但選貢士可以作之氣以
思自立而賢科英豪將恐出彼下自立當益力
不敢縱百世之下知山城僻地亦可以廣廟謨
而存古誼諸君以為何如同聲顧曰惟賢使君
之賜未幾君擢守高唐嘉靖癸巳冬永平何君

未來為令踵而成之走書幣价吾庠司訓李君
玫來謁記司訓恩人且曰此呂守意也故不得
辭夫名者實之賓三代而下士惟恐不好名亦
求副於實耳不求副於實僥僥焉惟名是務焉
君子不爾為也太上立德其次立功立言皆實
於實而作於名者鼎鐘不足恃流芳餘韻或得
之殘縑寸楮之間誅謚不足憑致語風謠或流
於樵童牧豎之口非可倚着強襲也恩有賢守

令所以求終諸君子之譽此既盡於誠矣登名
是石荅二君之嘉貺以仰副

朝廷作興賓禮之意亦嘗有槩于中乎覩斯石而懼
焉懼則有所不敢為覩斯石而悅焉悅則有所
必欲為盤盂肅弦之義皆於是乎在石之益於
人也多矣恩雖小邑南瞻闕里北負渤海岱宗
東峙武城西望禮讓教化薰蒸漸習古稱地靈
人傑要自有不可誣者前輩餘澤颯颯乎充溢

聞見將不有瑰奇儻求之士與於其後撫石遐
思酌泮水之清冷沂洙泗之汪濊以潤澤天下
之枯槁者乎是斯石之幸也斯文之光也若曰
吾不朽之圖有斯石在兢兢以望之昂昂以有
之旦視暮撫已去復來而所以為不朽者漫不
加意陵谷變遷牧豎敲火牛礪角周宣之石鼓且
然况片石數語欲籍之以重後世耶杜預矜伐
吳之功高山深江陸地三勒石焉惟恐名之或

湮也今邈不可尋而其入則天壤與敝自晉而
唐穹碑豐碣數且萬計惟峴山一碑傳播人口
是所以為壽者在此不在彼也諸君子勉之績
佞熟知呂君為今之良吏何君當凋瘵之餘補
葺撫字勞瘁百狀而猶不忘於前人之風示固
非規規然簿書期會者故盡言若茲系以詩曰
伐石岱宗兮維石拱龍兮小天下於目中兮刻
石學宮兮維聲鏗鉤兮儕弦誦於春風兮有岐

路之縱橫有塵礫之迷冥兮屹底柱之堅真庶
可識介石之明兮彼美如英兮令德融融兮令
譽無終窮兮

恩令呂君去思碑記

太僕寺少卿
牛陵孫緒撰

恩地多汗下夏秋間四境皆陂澤有力者擅肥
饒雀蒿自潤貧弱惟捕魚雉兔易米糊口當南
北水陸衝衢星輅使舟過無虛日供億或少遲
悍卒持符至庭吼以怒手搯吏語侵令令策無

出亟溢常額從事以追辱俗喜訟稅輸不以時
勾稽則具牒赴朔真詭淆亂甚者去其籍無所
考賦役入豪右獨於下者取辦令心知不可強
顏為之鷄初鳴未及飲食秉燭詣庭事吏抱文
書署惟謹不敢問故民益蔽私語謂後雖有智
者無以淑恩治嘉靖乙丑古雄呂君來為令

命甫下恩人有素以健訟嚇吏胥攫縣利致富者思
有以嘗之詣京邸餽以甘言君正色叱之退及

赴任又迂之境上候以輿馬又叱之退固請不
已箠笞訶怒且諭以無再覲我覲我當有罪其
人者恩之大靈也諸無賴視之為進止且憑依
為援虵蟠蚓結自是迺不敢闖縣庭群醜奔散
人情大驩顧凋瘵後如木蠹且朽人為君難之
君慨然曰無不可為者鎮之以靜撫之以寬治
之以平易興學校建城門廣儲庠撫流移數月
百廢皆作優蔭之味多於詳明慈愛之情勝於

敏決期若緩功則集政若悶民則淳噐者情屈
狡者心醉恩民始知有生之樂越明年庚寅漳
水橫流加以霖雨如注連朝累旬恩之境地渺
然為一巨壑貫廬漂沒者十七八君自方營救
多所全活亟上疏且移文省臺乞蠲田租以免
轉死言辭懇至讀者往往垂泣既未能盡如願
乃躬率吏民驗水害多寡而調停之斟酌哀益
惟和惟均民坐是不甚困歲再浹水尚未涸相

率拾蚶蛤芼藻行自給體無完衣肌膚皴裂術
術於汙瀦泥淖間終無一人轉徙他方者為有
賢使君也茲三載考績將之京部使者累疏薦
揚

聖天子賢之不俟詣吏部考卽所遷知高唐州事恩
仍在治中相違止七十里雖然孰與親恩之恩
猶為詳且密故耆民王良輩數十人念君去將
清要省臺不可復借欲伐石紀政以繫去思諗

之學宮諸士諸士曰都吾將告之吾師又相率
諗於張訓教勤勤曰俞吾將摘詞告之作者具
事狀函禮幣謁予文於沙溪之濱恩於予家相
望十數里隔一漳水耳歲時姻親過從談君政
績喑喑不少休故余知之獨詳夫為政以得人
心為本然得吏胥心易得民心難得民心易得
士夫心難吏胥為姦利耳貪懦者率為所喜民
心固無偽然亦可以惠政而利悅若士夫則清

議妍媸鄉評月旦甘不可臨威不可嚇者恩人
與君合編氓吏胥士夫同然一辭君其賢乎夫
感人以精不以迹動物以神不以器君行矣而
人猶思之不真此殆不滯於迹與器之粗而
其精神之運必有所以然之妙者存於其間
宜恩人之惓惓也簿領期會奔走希合天下豈
少斯人之徒與方其蒞於任也人畏之固曰吾
使君也瀕去則悄然避漠然忘甚至紛然怨讎

闕然咀呪視君何如也知之詳宜述之盡固操
筆者之責而余友黃文翰尤亟為之請故不得
辭君名應祥字伯徵別號易濱以三易領正德
己卯鄉薦庚辰乙榜進士兩任濰縣湯陰教諭
一典江西文衡冰玉聲稱傳播鄉曲瑩然為畿
內名士云繫以詩望望恩城湯湯野水沮洳號
呼民亦勞止構木而巢擊舟而漁以作以息熙
熙于于詢彼編氓奚為不去有我使君曰我胡

慮朝拯寒饑暮撫瘡痍古稱召杜於今見之聞
君昔來有夫候迎瞻望肩捷百計來并君呼使
前爾勿草草鮐與陽橋要自有道我雖爾長不
苦爾預跋跣遙遙意將何覩背漢色頽奉頭奔
走民情大愜今有父母古人有言一懲百誡曾
未浹旬兇歆盡殺君昔未來市攫而趨至於今
茲犬足生釐君昔未來訟謀盈庭至於今茲不
聞人聲豈無征役惟斯民盡豈無夏楚惟我心
惻蕩若春風沃若膏雨公今去矣後將何恃其
語而家而子而婦惟君之賢求求無負古之遺
愛民不忍忘勒石遠垂於昭耿光

重建陳家口橋記

宿州知州邑人傅汝楫撰

恩古清河也左臨古河右浹衛水而在懷抱拱
揖之內視他邑最為形勝衛卽今漕河發源衛
輝蘇門通於海見諸境若甲馬營鄭家口梁家
莊四女樹迺大渡口也

朝廷設官專理徒枉與梁因時而成是以民未病涉而亦無待於民自為之古河源流無載誦說相傳黃河故道考其上流自魏家灣與漕河別逸注而東而北下流亦入於海稽諸史漢武帝時河決魏之館陶分為屯氏元帝時決於清河靈鳴犢口成帝時特決於東郡金堤後又決於平原蓋以地形下而土疏惡也今雖不能究辯其是觀其形勢深廣他水不足以當之傳言猶或

可信其淺深不一洄無常大凡人行處皆有橋梁最要者津期通兩京路車馬往來歲無寧日官亦時其脩理然以延袤二三里許難於成功故為柵木籠土以濟不通一遇河水泛漲則隨水而東耳人咸病之未有起義為期未固者而此陳家渡東接藩省西通臨清其為要路不亞津期其理壞亦如之宿者趙明家居水許備嘗利害戚戚於心進謁縣尹徐侯曰惟茲古河

魚鼈生焉貨財殖焉其利吾人大惟茲草橋
水漲則圯水落則脩其病吾人也不小利在病
先病隨利後人之病公亦病之茲將柱以石梁
以木甃以甃覆以土使堅且久不為上下病明
一人身受其責公以為何如敢請侯曰吾志也
子為我襄之廼勞之以酒貲之以祿授之以廢
城曰土木之功一以委子吾無東顧之憂矣明
受命慨然為已任遂大徵土工木工石工備器

執用來會渡口相地立基斬木為梁壘礎為柱
厥功方殷徐侯物故既而李侯來為令獎勵益
勤賚予益厚而明行之益力且出其家之所有
以為民先四方以義動者或助以石供以木或
資以金抑或周以粟悉公其出納無纖毫利已
意積數載功廼襄蓋經始弘治丙辰春而落成
于己未秋也其東大建虹圈七以跨兩涯圈足
向上流者甃結稍張以吞來水之勢計其東西

袤五百餘尺廣二十餘丈其西當西北二水交
衝處又建小橋壹所棟梁圈結一如大橋步置
堅定由是輿不脫輻馬不遺駕人不履危矣若
此者明之力也明不自有其力歸之于上曰吾
侯之力也侯亦不自有其力而歸之下曰吾民
之力也遂命伐石勒司事者名且謁予記其廢
興顛末夫惟義則居後利則居先人情然也趙
子首倡為義而好義者源源而來可見義之在
人心不泯也其為利也孰大廼能不貪而有之
若知義利先後之辨者矣雖然趙子明民也民
好義而民尚從之矧有民社者乎允迪厥義民
之服從當何如哉自有無窮之利矣言非無稽
聖人以義為利之遺訓也故書以啓後之君子
若夫伐與不伐則非予之逆料也

明貞烈于女墓碑記

知縣何永撰

恩縣民于剛女小四姐自幼許字同鄉民岳天

衢爲婚未配天衢病卒女欲奔喪成服父母強
止不得後文送殯哭痛愈於旣配欲碎首致死
與隨葬父母親屬強扶還家弗從欲終事岳氏
舅姑岳貧無置錐女無容身拜辭翁姑安慰曰
我雖不得日侍左右必常通問不得已還家後
有同鄉李姓者求聘父母將無許女竟不從乘
父母一時不在遂齋戒焚香祝天曰得聞死矣
得以合葬岳氏平生願足遂自縊操節貞烈凌

母李姓諱詳東昌恩縣四女樹儒家女考諱瑾
爲人質直慎謹嗜讀兒寬忠義直言母於女紅
之暇恒領其訓解卽通大義旣笄瑾聞同邑黃
門郭公失偶廼曰吾女可以配君子遂歸焉母
入郭門動止以禮自防不妄言笑凡翁姑食飲
服御不假婢爲必親治而後晉翁嘗舉以稱於
人曰孝婦一錢之需一尺之帛必請所與而不
敢專門外內親疎者至遇之曲當博平巨室皆

以取則公朝夕給事不遑內顧母曰妾家雖儒
而實農勤儉二字備嘗之君子一心乎公而無
以家爲未幾翁姑相繼沒母於公居六年喪事
事悉依文公家禮有云及浮屠必斥之曰此吾
所聞於先考者然也公卽吉僉浙江憲司事載
調陝西南北水陸奚啻千里一切道里費悉母
籌畫公若罔聞知陝人性悍多訟公折之詳明
斷斷乎不少恕母曰妾聞有陰德者必有陽報
寒霜雪攸父同於天地先令古雄呂公申呈
上司行查覆勘允乎除

奏

聞外准令先立貞烈碑石表正世風未幾呂公陞知
高唐求至恩甚喜繼舉正欲旌別以激勸爲教
之先嗚呼此一女子幼小無知出自寒門且弗
讀書窮理矧未配合死節全乎天性今古所難
聖賢所與求切任是邑激勸之責莫先於此敢

不銘石以奉

明朝旌節之典上司表正移行之深意以昭潛德幽

光尚俟

奏

聞命下施行女生年十七歲卒於壬辰二月十六日

夫父母戚里即合葬天衢謹記

傳

郭賢母傳

翰林院學士劉翊撰

公於折獄之時能一一得情乎刑從寬古也幸

無過刻是以公在陝提刑數年人無冤抑公或

分巡外郡有遺薪水之資者母曰吾家自有常

祿急持去無玷吾君子清白不爾將置于法至

今陝人稱廉明者猶曰郭僉事正統己巳夏公

染疾弗起呼母曰若年尚少能從一而終乎二

子尚幼能撫之而立乎囊篋空虛能挈家而終

乎母泣曰是數者妾殫心力為之脫有一失決

不敢見君子於地下語畢而逝母哀毀過禮水
漿不入口者七日死而復甦者再即去膏沐
謀為歸計時臬司諸公咸欲措置棺木去却之
曰吾夫子歷官四十載平生雖清白無所畜至
於一棺力亦可辦卒不許既入木乃扶柩挈子
東歸抵家適兵燹之後田廬一空百計支持以
禮葬入於塋之側既襄事築筑守一舍紡績為
生鷄既鳴舍中軋軋聲不休居近多次盜賊為患

或勸之避他所者母曰吾夫子骨在此可舍而
他之卒不徙歲時祭祀其物皆手自治每一哭
鄰里鄉人聞之無不淚下自是鄉人有再醮者
皆避而不敢見有喪不能舉者賻之不吝比家
嘗失盜官司捕獲捉子鐘往認盜去物母戒之
曰本分之外一毫不可多取苟過本物歸必答
汝故舊司法者聞之莫不嘆曰賢母賢母偉矣
夫不如也先是初葬公時眾議皆以前母無子

不當合葬母曰此豈吾夫子之志今日之事當
居右虛左以俟衆不敢違長子曰鏜次子曰鈺
嚴督進學每讀書必伴至夜半稍怠卽鞭朴之
仍不進繼之以泣是以二子感奮大肆於文同
入邑庠不一二載俱食廩歸拜母母曰若父十
八中鄉舉若今食廩何足罕哉若等允躋諸遠
大以大若父之門第吾志也諸女之適人不擇
豪富惟視其父兄家法嚴肅者歸之識者曰母

之所行端可移風易俗夫不幸於天順壬午以
疾卒卒尚拳拳於夫子臨終數事口之不實旣
乃曰宰相回家拜縣尹兒其識之蓋慮鏜等驕
傲也鏜等奉遺命惟謹卜吉辰與公公且壙焉至
成化乙酉鏜登鄉舉越明年登進士拜兵科給
事中三載蒙

勅贈宜人戊子鈺第鄉舉甲辰登進士方向用未已
於乎母至是其志全矣九泉之下夫婦之願畢

矣夫人之行如此烏可俾之無傳後焉母二十而歸三十四而孀四十八而亡既撫郭氏嗣於不墜又能貞節十四年如一日茲者恩邑教諭任倫等因一鄉耆老張本等告已狀其事上于有司而史官劉子又論曰夫人以渺然之身倏爾之年孝於其親忠於其夫慈於其子惓惓焉全郭氏而後已猶水萬折必東較之烈女傳中何愧焉矧其守十四年之制不以難苦而移不

以歲久而渝使強悍之人降心相下其綽有足稱哉其亦早有家教者乎傳以求譽孰云不可

序

獎宋子廬墓孝行序

知縣杜永昌撰

我聞曰一孝立而萬善從之是孝者人之猷也德之基也俗之綱也猷綏則基用樹基樹則綱用張純乎孝者其錫民之極乎若而人者古之帝王必此其選也豈易斲哉吾守茲恩敷施於

政亦惟教養而已爾邁素履之往以崇我恩人
也士氓一旦熙熙然相率以告于守土曰東里
有毗宋曰智者少孤也其母為娶婦有奪而娶
之者誓而弗許泣曰吾寧孤兒寡婦爾也是不
以亡故而虧婦道者也逮母之終而葬智泣然
出涕曰父之喪吾幼弗克以盡厥心母之喪安
可憫然而使之有悔也乎於是舍於塚場棲木
偃石其寢苦然其食淡然其衣皤然其聲嗟然

以墟墓弗忍以圯壤也荷畚築而日土物雖不
至於馬鬣封之謂而亦截然其疑矣又且夙夜
焚香禱於墓門曰敢有勸意速俾殛死如是者
三禩有匝其孝行一礪矣有子三人朴楫樞者
同遊泮水文學詩禮舉進士之聯芳其日邇矣
子姓之衍門祚之盛有如此者茲沙汀之豪而
晦隴之傑然多由於樞恩化之馴馴雅飭也不
為恩人之首穀者乎厥惟嘉哉予蹶然曰吁亦

奇矣宋子之履也可以觀愛可以觀理可以觀志質淑而學古吾可以走賀也故紀之文物發之聲名表之物軌以廣不匱之孝也及事既竣達之我

皇上表厥宅里用垂不朽俾凡厥庶民遵紀律而莫易以遊乎宋子之天也以正風俗以諧邦國以出治道而爾類之孝宋子其末錫之矣吾司國柄者也於是乎俎之

祭文

祭亡友郭子美文

翰林院編脩敖山撰

嗚呼天何絕吾子美之慘耶數十年泣玉之懷
庶幾其一朝而少撤然而湛露浮漚呼吸而滅
天何絕吾子美之慘耶嗚呼子美昔在天順乙
卯初試鄉有司余年二九君甫十七一見之餘
遂成款密相詰相難奧簡隱帙志同道合機玄
互出逮至二十有六載而死如一日余以君為

至親之骨肉君謂余為至堅之膠漆方將挾神
交混太一屈漢論而郢質君何為千蒸瘞者貴
莫措遽爾云卒嗚呼傷哉鐘期長遊伯牙絕弦
昔以為簡冊之陳言及今身履之而始知其果
然矣嗟夫子美耿耿何之先天渾沌太極希夷
余嘗著力於人所不知之地者二十年君則於
忘形之外無言之表固已洞然曉之於一旦而
無疑至於古今用牘壁折是非毫釐分寸犁然

有歸其積而為膏中之奇蓋往往不減過秦論
而其歛錐藏鋒不為脫穎則兢兢乎避憎而逃
譏世或不知而反拘拘相較以舉子之小技亦
儘儘酬答揮權同異或終日喧笑而不違嗚呼
噫嘻蓋豈重稽夫望眼若吾子美之外疎內密
而厚有餘蓄者幾希今夫已矣誰與同調鯤化
飛溟鵬歸遠嶠余將掀空蒼揭后土叫子奪之
不平而且捲殘編收壯志倚西風而長嘯生荔

一束為君獨吊蕪清酌與庶羞敢幽期于鑒照
靈其不昧尚享

詩

國朝

八景

河南布政司參議邑人左傑

西山晚眺

貝丘何迢遞靈山迫嶇嶇玄景停陰壑丹氣藹
陽林蒼蒼秀瑤草唧唧亂鳴禽日夕色更嘉賢

達幾登臨巘嶂坐銷歇雲物杳深沉城郭歎非
古人烟嗟至今振策尋遺跡惻惻傷我心幸餘
圖牒在悠然獲所欽

古渡漁烟

雲夕涼風起天空沈瀟流霜清兩岸樹水浸一
孤舟月色浮沙浦汀烟滿渡頭狎鷗莫深避吾
欲入滄洲

漳南夜月

皎皎中天月揚輝照高樓漳南水鄉地超曠仍
清幽每逢三五夕圓景早已浮蟾兔疑玉魄桂
華綴金甌吟眺當及時馳光不可留盈虛有定
理萬古同一秋暈落還復生安用准王謀謙謙
乃貞吉履滿增殷憂

崇興曉鐘

瑞景祥烟傍曉生法鐘高閣枕孤城秋回萬井
含霜動春入三天應律鳴已竝梵音銷劫累還

同寶鐸愜幽情禪關閑寂聞遺響疑是屬霄吹
鳳笙

四女遣槐

水繞千家市庭留四女槐晴雲連葉密淑氣促
花開日晚玄蟬集秋深烏鵲來西風幾搖落楨
幹尚堪裁

回鑾行宮

憶昔

先皇靖難歸天開帳殿轉霏微
旛旌翼翼隨龍輦翠蓋飄飄逐
衮衣扈從元戎多氣色太平文物有

光輝共懽神武空千古長願
宸風扇九圍

平沙落鴈

青郊原曠望金沙鬱分披
噉噉集鴻鴈蕭蕭振羽儀
御蘆慣避險來往亦知期
不惜雙翻冷但悲物候移
所志在寥廓寧畏網羅欺
徘徊雲漢上迢迢湘水涓
寄言野田雀無用苦猜疑

津期長橋

野店晴沙映遠空
河橋碧樹引長風
澄潭萬丈飛靈雨
華表千年落彩虹
地接岱宗雲氣近
波連瀚海島烟通
已知冠冕驅馳久
更喜漁翁歌吹同

早春登崇興佛閣

寺閣嶙峋擬碧山
法雲縹緲共躋攀
逍遙身世諸天上
寂寞禪心三昧間
芳草乘春寒且翠
明

霞近郭晚仍斑極知支遁能談劫星駕應須費
往還

春興二首

極望郊園氣漸暄谷風習習滿柴門循牆乍見
楊花發出郭忽聞黃鳥喧醉愛蒼雲隨玉杖清
憐明月照金尊孤懷恐負山林約幸有高岑得
晤言

城南日射遠沙暄遊子乘春早出門淑氣在林

花亂吐晴光蔽野鳥齊喧依稀寒食仍除火徒
倚鞦韆共倒尊興劇不愁歸路晚情馳太素欲
忘言

次韻

南京刑部郎中邑人董琦

高閣初成枕寺山早春尊酒喜相攀壺觴半落
青霄上島嶼平分宇宙間返照入牕曛客醉歸
鴉繞樹點林斑孤城無地堪乘興此日追隨未
可還

西沙二月春風暄爛熳無堪不出門桃李雨晴
花欲吐園林氣盛鳥爭喧新樓纔啓留雲檻濁
酒先開對月尊喜得清時蕙吏隱乾坤隨處可
言言


江山遲日麗春暄寒食人家却閉門自是晉唐
烟火忌不妨齊魯管絃喧鞦韆掛月影當院芍
藥含風香入尊此日南臺花更盛群真賞詠幾

多言

恩縣志卷之八終

恩縣志卷之六

酒先開對月... 言言



恩縣志卷之九

災祥志

災祥怪異史不絕書如春秋書大有年大無麥禾大水之類綱目書黃河清河決蝗飛之類左氏傳豕人立而啼蛇鬪于鄭神降于莘石言于晉樞有聲如牛之類其休其咎類有招致書休以示勸書咎以示懲也恩志卽古史廼災祥怪異間亦有作故據所考究直書於志末而自為

一卷云

災

漢

元帝末光五年河決清河靈鳴犢口而屯氏河絕

唐

高祖武德四年貝州人劉黑闥漳南自稱漢東王饒州刺史諸葛德執斬之

國朝

成化九年饑甚人相食

弘治十五年九月十七日暮地震有聲

正德七年七月民訛言有妖夜擊銅鐵之聲不絕者數

嘉靖七年秋蝗飛蔽天

九年衛河決壞民廬舍禾稼甚眾

十三年春不雨至夏六月

十五年冬十月初九日地震

十六年夏四月三十日陰雨龍見

祥

金

辛宗明昌中恩州西五里產嘉禾一莖三穗

恩縣志卷之九終

序恩縣志後

古者列國有史自秦郡縣天下史亡而志作矣

邑無志弗徵志可闕歟嘉靖乙未予濫竽恩寄

未幾總戎歷田張公於振武之餘而崇尚文教

故每以恩志蕪雜切慨于衷爰命予以脩輯之

予也淺庸不文奚敢言志乃謀于恩士大夫士

大夫曰邑人張子古良史才也予以幣乞張子

張子遂遠稽于墳典博綜于譜牒旁咨于故老

參訂于師儒裒集編纂數月而告竣予覽而讀
之簡而文約而核公而信斷而裁噫可以言志
矣夫恩古齊右之地在今則兩京要邑也邇年
以來人才相望民俗敦厚視昔倍加焉於戲茲
志一出而恩邑之盛可鳴於天下故觀風者得
以採焉其功固不倍歟仲尼曰文獻不足故也
足則吾能徵之矣恩志足徵也士大夫曰可遂
刊之

嘉靖戊戌秋八月知恩縣事洛陽杜永昌謹書

縣丞陳本忠

主簿李時榮

鄭顯元

典史沈瑾

同刊

清江先生文集卷之八



...

...

...

...

...

...

...

